

適園叢書

張宗祥





唐大詔令集卷第七十九

宋 宋敏求編

典禮

巡幸

幸故宅改為通議宮曲赦京城繫囚制

巡幸岐隴二州曲赦

征遼還宴賜父老詔

破契苾幸靈州詔

赦行幸諸縣及岐州制

幸東都詔

睿宗令皇帝巡邊詔

行幸東都詔

幸新豐及同州敕

幸東都制

至東都大赦天下制

巡幸東都賜賚扈從赦天下制

幸長安制

幸東都詔

將離東都減降囚徒敕

北都巡狩制

幸太原府赦境內制

北路幸長安制

南路幸長安制

巡幸東都賜賚從官敕

南路幸西京敕

鑾駕到蜀大赦制

史思明再陷洛陽巡幸東京詔

巡幸

幸故宅改爲通議宮曲赦京城繫囚制

朕恭膺大寶克隆景祚永言孝思聿追高極鑿惟自昔葺宇
舊居王迹所基積慶攸在桑梓之敬每懷踐歷日不暇給以
迄於茲今旣氛禳廓清區夏寧謐民休俗泰天成地平爰擇
良辰言還邑里禮同過沛事等歸譙故老咸臻族姻相會肅

恭薦享感慶兼集思俾歡心逮於眾庶愍茲幽滯有懷寬澤
都輦之地宗祏所居祚固萬邦義越常等惟時孟夏方申長
育宜順天心宣茲惠澤可曲赦京城內繫囚見徒及被推問
應集之人死罪以下並從放免其內有於政切害情理難原
者宜降死從流

武德六年四月

巡幸岐隴二州曲赦

朕恭膺寶命握圖馭歷屬喪亂之後承凋弊之餘宏宣德化
勵精治道遐邇肅清要荒來服聊因務暇觀省民風遵彼岐
梁言臻汧渭百年之老俱稱鼓腹五尺之童咸欣擊壤矐言
曩昔亟遊此地歲月踰邁以迄於茲周覽原隰愴然懷舊延
問鄉黨僚吏猶存事異宛譙情均豐沛民和俗阜上下歡洽

宜宣愷澤俾同慶幸可特赦岐隴二州管內自貞觀四年十月一日昧爽以前大辟以下悉從原宥放免二州戶民無出一年租賦八十以上鰥寡篤疾及舊任二州雜職佐史以上賜物各有差百歲以上就加優卹行經咸陽始平武功三縣見禁之囚徒罪以上各降一等杖罪以下並宜釋放年八十以上及鰥寡篤疾并武功縣舊軍主帥亦加賜物凡此界內名山大川望秩之禮備加牲幣孝子順孫義夫節婦隨事褒顯旌表門閭其賜物之差宜依別敕務從周厚以稱朕意

征遼還宴賜父老詔

太原之地興運所階全晉之人義深惟舊自朕恭膺寶歷二紀於茲何嘗不御展長懷想嶠陵之風雨臨軒遠感念大麓

之雲雷當於此時乃忘身而拯溺實賴同德並羸糧而樂推
役不踰年遂清區域諒由成都之眾謳訟闡虞帝之功戰牧
之徒歌舞興周王之業仗茲協力竟致升平懷彼勤勞何忘
晷刻旣因垂拱之暇再省勦業之方周歷郊原宛如疇昔訪
其父老已多長謝不見所識魏后遂以興嗟卹彼故人漢皇
因而式宴前王是日哀樂交懷在朕深衷義符於此是用具
陳廣樂共申高宴取譬還譙之賞同彼幸代之情仍曲赦并
州管內大辟罪以下繫囚見徒皆赦除之常赦所不免者不

在赦例

貞觀二十
年正月

破契苾幸靈州詔

朕勞形育物盡敬承天蠢動不安櫛風而罔倦荒隅未靜救

焚而靡息獨運方寸貫徹上玄凝想冕旒化行戎狄是知惟
天爲大合其德者弗違謂地蓋厚撫其仁者光被故能彌綸
八極輿蓋二儀振絕代之英聲畢天下之能事彼匈奴者與
開闢以俱生奄有龍庭共上皇而並列僭稱驕子分天街子
紫宸仰應旄頭抗大禮於皇極公犯帝座流殃構禍乃於運
初憑陵障塞連年壓境射雕馳騎亟飲灞川逐鹿稱雄頻驚
渭汭貽先皇之動色俾黎庶之塗原社稷爲虛軫情何已朕
御天下二紀於茲曩者聊命偏師遂禽頡利今茲始宏廟略
已滅延陀麾駕出征未踰郊甸前驅所轄纔掩塞垣長策風
行已及金徽之表揚威電發遠播沙場之外遂使雁山之北
無復單于龍庭之南大開封域其契苾車必俟斤及鐵勒諸

唐大詩令集卷七十一
姓迴紇胡祿俟利發等總統百餘萬戶散處北漠遠遣使人
委身內屬請同編列並爲州郡引領翹足暴十日而行油雲
延首求哀沈九泉而請營魄朕當暫幸靈州親撫歸附宏茲
肆赦加以施行頒惠天隅耀威雲朔收其瀚海盡入提封解
其辮髮並垂冠帶混元以降殊未前聞無疆之業永貽來裔
古人所不能致今旣吞之前王所不能屈今咸滅之斯實書
契所未有古今之壯觀豈朕一人獨能宣力蓋由上靈儲祉
錫以太康宗廟威靈成茲大定卽宜備禮告於清廟仍以大
慶頒示普天俾與黎元同茲有賴

貞觀二十
年八月

赦行幸諸縣及岐州詔

朕恭膺寶命嗣奉瑤圖居萬乘之尊當四海之貴遐觀往烈

詳求前古每希蹤於哲后常勞心於庶物兢懼弗寧憂勤若
厲屬天下無事區宇有截仰高風於汾射暫清暑於林泉朕
昔在震宮侍遊茲壤山川依舊歲月不追今既俗阜年和中
外胥悅緬懷徽範情兼感慰宜遵省方之義且順陽和之序
曲申惠澤式彰寬宥巡幸所經諸縣及岐州囚徒人犯罪者
流降徒徒以下并免之

永徽五年二月

幸東都詔

咸京天府地狹人繁百役所歸五方胥萃雖獲登秋之積猶
虧薦歲之資眷言於此思蠲徭賦夫以交風奧壤測景神州
職貢所均水陸輻輳今茲豐熟特倍常時事貴從宜實惟權
道卽以來年正月幸東都關內百姓宜免一年庸調及租并

地丁稅草其當道諸縣特免二年劍南隴右諸州每供進一

二年且停

儀鳳二年十月

睿宗令皇帝巡邊詔

先王省方所以觀風設教聖人順動所以刑清眚服故協時同律虞典之常道喬岳翁河周家之盛德自王風不競茲禮遂闕兩漢之朝有時於邁三國以降日不暇給我皇家開元首出十代重光寰宇大寧車書無外文祖神宗之德洽於兆人考祥展義之規昭於國典朕祇若不構寅奉慶靈夙懷箕穎之心久遂汾陽之志皇帝天賜英武神與聰明純孝極於安親大功深於濟代自陟元后實總朕師時政益明彝倫攸敘而邊眚遐阻藩服悠曠式慰來蘇之懷實允卜征之義加

以頃年邊將授任或乖師律以虧軍威不振皇帝宜順時巡
狩親幸邊陲掌圖修考事之儀典樂具陳詩之禮西泊河塞
東踰燕朔望秩名山肆覲羣后休農問老誓師訓卒其有牧
州典郡功施於人杖節擁旄隱若敵國者當崇進律之賞加
以分麾之命若郡政不舉軍令莫修聚斂苛細侵削戰士者
明茲典憲肅以天誅然後七萃騰裝六軍按節合符釜山之
典覽軒轅之遺風勒騎單于之臺踐漢皇之故事使陰山罷
禮大漠無塵其供帳所資儲擬之費皆令有司支備不得煩
人

先天元
年十月

行幸東都制

咸雒京師建都維舊乃睠時邁卜征斯在朕承天纂歷恭己

臨人鼎俎雖甘念疲甿之不足宮室信美惕浮戶之未安事
內攢於千慮心外周於萬物則知帝業初啟嶠函乃金湯之
地天下大定河洛爲會同之府周公測景實曰土中總六氣
之所交均萬方之來貢引魚鹽於淮海通杭紵於吳越瞻彼
洛汭長無阻饑自中宗入關於今八載省方之典久而莫修
遂使水漕陸輓方春不息勞人奪農卒歲何望關東嗟怨朕
實憫焉思欲寧人而休轉運館穀而就敖庾加以暑雨作害
災沸秦川歲星有福祥歸豫野朕情深救弊身豈懷安徧考
農心審聽輿誦上奉天以爲孝下利人以爲忠順時而動從
眾之願宜以今年十一月行幸東都凡厥有司式遵乃事至
於行從兵馬供頓貯積務在撙節勿使煩勞考使選人咸令

都集東都宮殿須理量加修葺不得煩人朕本爲人而行非擬勞人自奉所過州縣無費黎元亦不得輒有差科旁求進獻宣布遐邇知朕意焉

先天二年七月

幸新豐及同州敕

蘇頌

敕虞之四朝且徧區寓漢之三輔本同京師善於古者考於今發乎近者應乎遠若豫順之事缺則繁於王制巡幸之典備則慮於人勞朕受膺休期勵精設教幸乾坤幽贊風雨咸若百姓既阜三農已登同穎獻於宗廟穰穗生於郡國我無大桀寶欣於歲取人有小康未果於時邁但左翊之地近入黃圖新豐之邑甫降青綺山川宮館咫尺相望方欲過灞亭而涉灊經沙阜而臨渭見彼耆耄問其疾苦察長吏之政恤

厚
黎眈之冤蓋所以展義陳詩觀風問俗始自畿甸化於天下
宜以今月二十五日幸長春宮停五日緣頓所須並令所司
支備一事以上不得干擾州縣發日唯量將飛騎行更不須
別遣兵馬及妄有科喚朕此行之處進奉在路有稱冤苦州
縣不能疏決者委御史金吾收狀爲進各勉所職副朕意焉

開元二年九
月十一日

幸東都制

蘇頌

黃門朕聞遂物之宜上則聽其和樂違人之欲下則生於怨
思一物安可不遂萬人安可固違且先王卜征觀乎風俗大
易順動應乎天地由是巡以五載尙徧於人寰設爲兩京況
稱於帝宅東幸西顧乃其常也然以行必清道不爲無事至

而供帳是則有勞故恤人之隱憂人不足於今四年矣遂使
東土耆老傾心而後予中朝公卿屢言以沃朕咸謂國之中
洛王者上地均諸侯之賦當天下之樞陸行漕引方舟繫軼
費省萬計利踰十倍更知夫便於物者非自奉以懷安嗟於
人者豈不因而阻願於是乎見品彙之阜因京坻之餘則無
奪農矣陳太師之言獻史臣之頌則無缺政矣信可以備法
駕乘陽春歸於成周布我時令宜以來年正月五日行幸東
都仍取北路所司準式主者施行

開元四年十
二月三日

至東都大赦天下制

蘇頌

黃門周宅中土秦里上田皆王者之都也時邁觀風載巡展
義皆王者之政也朕嗣守宸極頓移年所冕旒而視心每周

於萬邦車轍所屆迹不出於三輔豈懷安以憚勞姑省費而
休力然以設京師者不偏於西據奉宗廟者亦俟於東征安
可阻從人之心增後予之怨是用闔陽發歲練日簡辰乘和
氣以應物御惠風以行令永言告至載協佻來顧諸菲躬畏
此鴻業下輦而有宮室卽舊不加登臺而有山川覽今猶昔
森言在日用軫於懷思宏遠圖俾作寬典不忘師古之義特
布惟今之渥可以大赦天下自開元五年二月三日昧爽以
前大辟以下罪無輕重已發覺未發覺已結正未結正係囚
見徒常赦所不原者咸赦除之謀反大逆不在赦限 云云 夫
政欲清靜詞尙體要閒者思致於義未臻其道文書盈几閣
而吏益欺詔命下閭里而人莫諭得非失於抵牾弊在煩蕪

耶簡而易從禁則難犯令式格敕有不便者先令尙書省集議刊定宜詳厥衷合於大體亡命山澤挾藏軍器百日不首復罪如初敢以赦前事相告者以其罪罪之赦書日行五百里布告天下稱朕意焉主者施行

巡幸東郡賜賚扈從赦天下制

蘇頌

朕自臨天下未至於路雖二京出遊蓋惟常典五載來巡肇於卽事念茲扈從特有加恩南北衙應從官三品以上各賜物四十段四品三十段五品二十段六品七品十五段八品九品十段從飛騎萬騎各賜物五段馬家小兒賜物三段三衛檢校監門直長引駕等發京宿衛執富不闕者簡日優量其置頓營幕橋道等使并制官各賜物遞加從官一等仍與

中上考緣路刺史上佐縣令祇承頓事并專知官各準從官
例與賜亦與中上考衛士掌閑幕士等各賜兩段大赦天下
惟謀叛大逆不在赦限餘並宥之河南府百姓給復一年河
北漕澇及蝗蟲處無出今年租武德貞觀以來勳臣子孫無
名在位更詳求其後奏聞有嘉遁幽棲養高不仕者州牧各
以名薦

開元五年正月

幸長安制

蘇頌

門下觀俗省方所以愛人治國崇尊廟貌所以事神享親欽
若爲懷此乃大義朕祇膺鴻業積念於秦去歲欲幸洛京已
發成命屬重營天室因將中止誠以其繩削板切且未卽展
輅效駕事何敢急信弗可違於東方是用載馳於西土流晷

不住通喪永畢象居始成如在增慕朕之前志日夜匪遑故
可以詩陳肅雍禮極禋祀幽明之奧時惟感通雍州禾稼有
年莫若關輔王假用吉后來其蘇獲實我心俾從人欲可以
今年十月取北路幸長安所司準式務在節省無得勞費主
者施行

開元六年
七月六日

幸東都詔

王者觀俗以賦政考祥以省方必將協於人和而奉若天意
朕祇守鴻緒用康黎庶思振德以惠物豈勞人以尊己頃年
關輔之地轉輸實繁重以河塞之役兵戎屢動千金有費九
載未儲懷此勞心以增憂慮且夫苟利於物可隨事而變通
將適於人故因時以巡幸卜洛萬方之奧維嵩五岳之中風

雨之所交舟車之所會溝通江漢之漕控引河淇之運利俗
阜財於是乎在今欲省其費務以實關中即彼敖倉少資河
邑乘歲陽之吉展遊順之儀豈惟龜筮不違固復詢謀定是
協修五禮存問百年車輿動而不勞玉帛會而其悅所謂先
天以宏道因人以為利也宜以明年正月十五日幸東都開元

九年九月九日

將離東都減降囚徒敕

獻歲肇春陽和感氣且是發生之日實非布德之辰朕將幸
秦京言離洛邑既省方以觀俗思宏恩以濟人載念狴牢又
惻襟抱宜敷大典之恩用敦咒泣之意其都城內見禁囚徒
除身犯十惡及偽造頭首餘雜犯死流等罪各減一等徒以

下並放河南府遭水百姓前令量事振濟如聞未能存活春
作方輿恐乏糧用宜令王怡檢問不支濟者更量振給務使

安存

開元十一
年正月

北都巡狩制

朕爰自灑洛有事省方乘茲發生之和因務豫動之慶將欲
恤鰥獨問耆老陳詩展禮黜幽陟明使滯伏必申微物咸遂
其行幸所至處宜令刺史縣令存問百年老病鰥寡惇獨及
行人家如有單貧不濟不能存活者量加振給其侍老仍各
賜物三段見禁囚徒除十惡及身犯反逆并偽造頭首以外
自餘雜犯流死等罪各減一等徒以下並放免百姓有賢良
官人有清白並令中書門下采訪名聞其貪濁之吏委御史

覺察彈奏

開元十一年正月

幸太原府赦境內制

朕恭承寶位十有餘年荷累聖之昌圖膺三靈之眷命日愼一日雖休勿休今問俗觀風肆覲羣后陳詩納賈親問百年雖念勞人事資展禮太原舊國王業所興乃睠成周西巡豐鎬曰惟嗣漢東至沛鄉皆會彼舊都睠茲粉社況興王始封之地鴻圖創業之初肇育生靈大造區宇永惟丕構顧慙貽厥且地稱用武戎役是殷用錫懷舊之恩以順發生之澤其太原府境內見禁囚徒除十惡併僞造頭首餘並赦免預宴官共賜物二千匹父老及人吏等共賜物萬匹百姓各給復一年九等戶給復三年元從家給復五年其家籍見丁終身

免征役年老八十以上賜物五段版授上縣令仍賜緋婦人
版授上縣君九十以上賜物七段版授上州長吏仍賜緋婦
人授郡君百歲以上賜物十段版授上州刺史仍賜紫婦人
授郡夫人孝子順孫義夫節婦旌表門閭終身勿事其有沈
淪草澤抱德棲遲及武德功臣并元德子孫才堪文武未有
官者并委縣搜揚具以名薦

開元十一年正月

北路幸長安制

朕粵自豐鎬省方東洛屬九服寧謐四時順成殊徵寵殷景
福紛集遂荷靈睭登於介正居厥成功允答休祐蓋敬天之
命不敢以寧也我來於東歲亦數稔而西土耆老後予多怨
況關輔之地比則有年宜協卜征之祥式展時巡之義可以

今年閏九月十日取北路幸長安所司準式緣頓支供一事
以上並同常處官物不須科斂百姓其遞運及行從官寮等
務從減降所在公私不得輒有進獻宣布遐邇知朕意焉

開元

十五年
六月

南路幸長安制

朕君臨區寓子育黎獻每存勤恤不欲勞煩而鎬京之地陵
寢所在自展義河洛已歷歲年所以式遵卜征有事時邁抑
惟恆典寧敢憚勞將欲西巡元取北路今同州有暴水浸於
邑居載懷憂惕無忘寤寐且從南路幸長安所司準式

開元十五年

年八月

巡幸東都賜賚從官敕

出震奮豫本乎觀風省方展義期於利物朕志惟忘已情在
順人爰采謠詞式事巡幸自轉蹕西鎬卽宮東周景暖風恬
無凜冽之慘煙和氣淑嘉晏溫之色俾夫軍衛眾庶靡有郊
寒之虞豈非龜筮允臧堪獻卜征之吉天人協應後予至誠
感是休和良有以慰思覃慶澤沃於行所親王賜物八十匹
嗣郡王六十匹一品五十匹三品四十匹四品三十匹六品
二十五匹七品二十匹八品九品十匹三衛引駕細引飛騎
各四段曠弩手募士主膳供膳及諸色白身人等各三段知
頓使知營幕使各六十匹知頓御史三十匹知驛御史及知
頓判官知營幕官賜各加一等入仗突厥吐蕃共賜物五百
匹令鴻臚據番望高下節級分付供頓州百姓所據緣頓差

科及充夫匠雜役供應等人宜放今年地稅餘戶等免今年地稅之半應定名供頓縣官各與一中上考

開元十九年十一月

南路幸西京敕

敕朕所時邁皆順物情頃屬關輔無年遽爾東幸固非為己將以息人今百穀既成庶務皆省而五陵所奉誠而京師安可更留周南致闕時薦宜以來年正月七日取南路幸西京所司準式應緣行幸所須務從減省所由明為條例勿使勞煩

鑾駕到蜀大赦

朕以薄德嗣守神器何嘗不乾乾惕厲勤念蒼生至於水旱或乖則禱祠請罪邊鄙微擾則齋戒思過聿來四紀人亦小

康蓋祖宗之靈卿大夫之助也是以推心將相不疑於物而
奸臣凶黨負信背恩割剝我黎元暴亂我華夏皆朕不明之
過豈復尤人哉楊國忠厚斂害時已肆諸原野安祿山亂常
構禍尙逋其斧鉞朕用巡巴蜀訓厲師徒命元子北略朔方
諸王分守重鎮合其兵勢以定中原將蕩滌煩苛大革前弊
思與億兆約法惟新上以安宗廟神祇下以寧中外動植合
天下其天寶十五載八月一日昧爽以前大辟罪以下常赦
所不免者咸赦除之自中興以來有破家者一切與雪流人
一切放遷左降官各還舊資內外文武官節級賜階爵安祿
山脅從官有能改過自新背逆歸順並原其罪優與官賞

史思明再陷洛陽巡幸東京詔

昔昆夷作患周宣興薄伐之役陳豨稱亂漢祖發親征之師
蓋所以禁暴除凶取威靖難上以保宗社下以拯黎元古帝
先王茲道無替頃者祿山構逆昔義負恩惡既貫盈尋已殄
滅而思明殘寇敢延妖孽之氛蜂蠆之餘邀我雷霆之伐朕
以干戈屢動黎庶未安由是按延天誅冀其來格而乃竊兵
干紀自取滅亡副元帥光弼統率銳徒恭行天罰爰啟絳宮
之略克推青犢之師曾未浹辰大破凶黨此皆穹昊垂祐宗
社降靈是以戎律用貞禍淫斯在如聞蓬艾之下蚊蚋猶虞
固當乘破竹以追奔同燎原而撲滅朕爲人父母深念塗炭
是用大整戈才方申弔伐撫綏河洛以致和平卽以今月十

七日幸東京率六軍取路進發

乾元二年九月

唐大詔令集卷第七十九

唐大詔令集卷第八十

宋 宋敏求編

典禮

朝賀

冬至取次日朝賀敕

五月一日御宣政殿敕

淮西用兵罷元會敕

貢獻

停貢獻詔

罷正至進奉詔

宴集

定州賜宗姓老人宴會敕

賜百官錢令逐勝宴集敕

宴朔方將士敕

宴幽州老人敕

平淮西後宴賞諸將士放歸本道詔

以水災罷九日宴會敕

養老

賜孝義高年粟帛詔

老人賜几杖鳩杖敕

紀節

停諸節進獻詔

以二月一日爲中和節敕

令誕日外命婦賀皇太后敕

許慶成節宴會陳脯醢敕

弋獵

放圍兵敕

酬賞鳳泉湯知頓官及百姓敕

禁弋獵敕

喪制

聽衛士終制三年敕

不許臨喪嫁娶及上墓歡樂詔

戒厚葬詔

眉石詩全集卷之二
禁喪葬踰禮制

誠厚葬敕

條流葬祭敕

朝賀

冬至取次日朝賀敕

王者父事天母事地所以昭孝敬之道彰神祇之德朕虔奉
明命徧稽大猷實在緣情不惟相襲伏以昊天上帝義在尊
嚴恭惟祀典每用冬至既於是日有事園丘更受朝賀實深
兢惕自今以後冬至宜以次日受朝仍永爲令典

天寶三年十一月

五月一日御宣政殿敕

仲夏之時陽德方茂陰事始承聖賢因天地交會之時爲父

子相見之禮既行親戚豈隔君臣自我為初申恩卿士起今年五月朔御宣政殿召見文武百官九品以上外官因朝奏咸得就列仍編入式以為恆典

貞元十年四月

淮西用兵罷元會敕

敕淮蔡未賓師人暴露而三朝之會萬國來庭舉為稱慶有懷媿惕其來年正月朝賀宜權停諸軍優賜並準例處分

元十年二月

貢獻

停貢獻詔

逸遊損德昔賢貽訓玩物喪志前典格言西旅獻獒召公於是作誠東齊餽樂尼父所以離心隋末道喪肆極奢靡內騁

倡優之樂外崇耳目之娛冠蓋相望徵求不息公私擾劇徭
費無窮朕受命君臨志在儉約日旰忘食昧爽求衣纂組珠
璣皆云屏斥雕琢綺麗久從抑止其侏儒短節小馬痺牛異
獸奇禽皆非實用諸有此獻悉宜停斷宣布遐邇咸使聞知
武德元年十月

罷正至進封敕

敕伐叛興師久勞於外饋軍給費因以爲煩獻賀之儀諒非
朕志務從簡約式表憂勤其今年冬至及來年元日諸司諸
道進封宜停

元和十二年

宴集

定州賜宗姓老人宴會敕

皇太子愛敬所覃格於四海仁孝所感周於百姓自春監國
既處定州首創風規在乎茲境所以事親敬養之道有隱無
改之情爰自中山流乎率土地居宣化之本人稟純孝之深
有足可佳特須優異其定州管內孝行著聞者宜與宗姓老
人同賜宴會

貞觀十九年十一月

賜百官錢令逐勝宴集敕

百靈降福庶尹協修陰陽調而生植以滋政理孚而黎獻咸
若由庚知萬物之樂華黍洽三農之慶信可以率禮輔仁式
歌且舞者矣況生成式序氤氳致和卉物發榮池籞含麗思
順時令以申憲澤咸宜邀歡芳月繼賞前春夙夜在公既同
咸一之理休沐式宴俾共昇平之樂中書門下及供奉官嗣

唐書卷之十一
王郡王左右丞相少傅賓客諸司三品以上長官侍郎少卿
少匠司業少尹兩縣令都水使朝集使上佐以上并新除未
赴任者及東宮諸司長官中舍中允少詹事諭德中郎率府
蕃官三品以上至春末以來每至假日宜準去年正月二十
九日敕賜錢造食任逐勝賞

開元十九
年二月

宴朔方將士敕

敕朔方軍節度大使兵部尚書信安郡王禕平戎朔陲經略
萬里賦車籍馬精卒銳兵自其有虞莫不素練而狂寇背誕
偏師致誅謀若有神取如俯拾雖廟略之云遠亦將士之力
焉威武載揚頑凶且懾狂敵覆巢以奔北羣師掉鞅而來歸
因其凱旋聊加宴樂各宜坐食相與盡歡其軍將以下官賞

別有處分信安郡王禕與一子官

宴幽州老人敕

敕幽州老人師知禮等比者邊寇翻覆薦歲不寧戎馬之鄉
良歷艱苦而敵人自叛天實誘之主將致謀略無遺噍實際
邊患且滅征徭卿等忠義因心遠來陳賀深所嘉尚並宜坐
食各有品物食訖領取

平淮西後宴賞諸軍將士放歸本道詔

敕朕纂奉丕業託於人上仁不被物義不勝奸頌聲蔑聞暴
亂連起叛臣希烈竊據淮沂誠爲彼夫無良亦由朕之不德
撫馭之道失之於初師旅一興縣聯莫解服勞者從役不暇
受汙者無路自新旱蝗相乘穀石翔貴兵民餒死十室九空

通邑化爲工墟遺骸徧於原野每念於此心傷涕流且自昔
勞師靡有不悔以虞舜之聖屈於苗人以漢武之強弊於匈
奴矧乎德猶不逮力或未全我其永懷亦已自傲乃者下哀
痛之詔布寬大之恩普天載新殊死畢岿然尙勞師旅作捍
封陲有累歲弃離室家有經時不解甲冑忠雖爲國咎實在
予軍人若斯寧不知媿賴節將士旅咸奮揚我武慎固疆宇
遠人思服元惡就誅蒸黎方致其安寧役戍永期於休息懋
官以旌美錫宴以勞旋賞不踰時式遵彝典都統檢校司空
同平章事劉元佐宜與子孫一人五品正員官節度使校檢
右僕射李澄檢校兵部尙書曲環檢校戶部尙書李皋兼御
史大夫樊澤等並與子孫一人七品正員官都防禦使工部

尙書賈勛都團練使檢校左散騎常侍盧元卿兼御史大夫
張建封等並與子孫一人八品正員官檢校司空平章事李
抱真檢校司空平章事李納檢校左僕射平章事韓滉檢校
工部尙書田緒咸遣士旅遠赴行營同討不庭厥有成績抱
真納滉緒與子孫一人八品正員官應與淮西接界州縣本
軍鎮守及諸道赴行營將士等宜共賜三十萬端匹以充賞
賜度支卽約據界首及行營軍額分配定數支送仍委本道
條錄功第名銜聞奏並與甄敘其行營將士仍各放歸本道
明加宣諭令悉朕懷

以水災罷九日宴會敕

前者春秋令節朝野多歡乃與公族庶僚同其宴賞今兩河

吳楚連被水災悼於厥心實未寧息尙軫憂念豈遑愉樂其

九日宴會宜罷

貞元八年八月

養老

賜孝義高年粟帛詔

百行之本孝道爲先一言終身恕而已矣春生夏長寬裕之
令行焉齊禮道德恥格之義斯具朕爰自幼年夙稟庭訓豈
徒學聞詩禮因令匡定家國是以提三尺之劍起一旅之師
戮鯨鯢於原野救蒸人於塗炭雲雷締構備嘗夷險仁發於
心義形於色大敵必勇匪爲身謀大懟必誅志安天下太上
皇留情姑射尙想軒轅駐蹕大安使朕正居紫極願惟虛薄
辭不獲免祇奉制誥負屨當朝乃瞻宮宇載懷冰谷未明求

衣一夜忘寢思懷七政言念九功何以答上帝之心稱嚴君之志庶欲勤恤典刑舉直錯枉允釐人瘼任賢用能拯濟困窮抑損撓僞開直言之路廣不諱之門聞所未聞日慎一日望人皆見德變於至道若一物失所一人有惡則朕躬之責訓道不明也朕聞書曰至誠感神況於兆庶乎比聞遠近黔黎恥爲盜賊州縣囹圄多並空虛豈由德教至此自是人心厭亂因其遷善可以化之朕往因征伐行天下多矣每見村落正墟未嘗不撫膺歎息自登九五不許橫役一人惟冀遐邇休息得相存養長幼有序敬讓興行其孝義之家賜粟五石高年八十以上賜粟二石九十以上三石百歲加絹二匹婦人正月以來生男粟一石鰥寡惇獨不能自存逃戶初還

郊無糧貯州縣長官量加振恤諸州官吏或正直廉平刑清
訟息或貪婪貨賄害政損人宜令都督刺史以名封進白屋
之內閭閻之人但有文武材能灼然可取或言行忠謹堪理
時務或在昏亂而肆情遇太平而克己亦錄名狀與官人同
申泣辜慎罰前王所重枉繫一日苦等三秋州縣法司特宜
存意布告天下知朕意焉

貞觀三年四月

老人賜几杖鳩杖敕

古之爲政先於尙老居則致養禮傳三代行則就見制問百
年蓋皇王之勸人教黎庶之爲子朕寅奉休歷祇膺聖訓因
秋歸而歲成屬星見而郊祀念其將智尤重乞言俾申恩於
几杖其布惠於鄉國九十以上宜賜几杖八十以上宜賜鳩

杖所司準式天下諸州侍老宜令州縣長穩便設酒食一準
京城賜几杖其婦人則送几杖於其家

紀節

停諸節進獻詔

朕撫育黎庶思求政道欲儉以訓俗禮以移風菲食卑宮庶
幾前軌比至五月五日及寒食等諸節日并有歡慶事諸王
妃主及諸親等營造衣物雕鏤雞子競作奇工以將進獻巧
麗過度糜費極多皆由不識朕心遂至於此又貞觀年中已
有約束自今以後並宜停斷所司明加禁察隨事糾正

顯慶
二年

四月

以二月一日爲中和節敕

四序佳辰歷代增置漢崇上巳晉紀重陽咸說禳除雖因舊俗與眾共樂誠洽當時朕以春方發生候及仲月句萌畢達天地和同俾其昭蘇宜助暢茂自今宜以二月一日爲中和節以代正月晦日備三令節之數內外官司休假一日

貞元五年

正月

令誕日外命婦賀皇太后敕

昔者聖王之以孝理天下也廣愛敬之心推於四海盡奉養之志示於兆人然後至誠之化有情斯感朕以眇身祇荷鴻業皇太后就安長樂朝夕承顏慈訓所加慶感兼極伏以今月六日是載誕之辰奉迎皇太后宮中上壽朕獲申歡慰亦欲公卿大夫同之宜以今月六日平明於九順門集百寮及

命婦進名賀皇太后御光順門內殿與百寮相見永爲常式
貞元十五年七月

許慶成節宴會陳脯醢敕

慶成節朕之生辰天下錫宴庶同歡太平不欲屠宰用表好
生非是信尙空門將希無妄之福恐中外臣庶不諭朕懷廣
置齋筵大集僧眾非獨凋耗物力兼恐致惑生靈自今宴食
蔬食任陳脯醢永爲常例咸使聞知

開成二年八月

弋獵

放圍兵敕

昔周有岐陽之蒐漢有扶風之命請師習武夸功耀武故王
者狩必以時招虞人以禮時則遠矣朕自祗膺圖籙於茲四

年每巡狩郊畿不出百里且愛力而節用非盤遊而好樂今者四方無事百穀有成因孟冬之月臨右輔之地戒茲五校爰備三驅非謂獲多庶存除害昨長圍已合大綏而未舉也聞朔天降雪狐裘且御未免初寒鶉衣不充寧堪凍露朕更截狡獸要輕禽以此遊娛孰云矜恤況爲之父母育彼黎元中宵耿然愈發媿惕其圍兵處並宜放散

開元三年十月十日

酬賞鳳泉湯知頓官及百姓敕

敕清人賦田以備蒐狩之儀王者順時式崇豫遊之禮頃者築場初畢清道來巡經上林之苑囿指扶風之藪澤雖獵將提鼓虞人植旗仍憫嚴寒之節不行肅殺之令豈惟虞舜之典咸秩山川所冀周文之風及於鳥獸由是罷還士卒非重

盤遊眷彼吏民致有煩擾所謂行者幸也後來其蘇宜申恩
惠用符古昔其所經州縣供頓官及百姓并造鳳泉湯屋宇
使及夫匠並置營幕橋道使宜令所司勘會奏聞其緣御路
及頓場麥苗有損者亦令勘責量事酬補

開元三年十月二十六日

禁弋獵敕

春夏之交稼穡方茂永念東作其勤如傷況時屬陽和令禁
麇卵所以保茲懷生下遂物性如聞京畿之內及關輔近地
或有豪家時務弋獵放縱鷹犬頗傷田苗宜令長吏常切禁
察有敢違令者捕繫以聞

大和四年三月

喪制

聽衛士終制三年敕

通喪下達聖哲貽訓緝俗經邦咸率至道至於嬰蓼莪之巨
痛懷顧復之深慈得自天經含生罔極者也爰自周衰七雄
交爭逮乎漢末三方競峙蔓草震動鉦鼓日聞先王典章掃
地將盡遂令三邊武猛墨經而扈戎麾七萃驍雄素冠而事
巡警亦有內無繼體旁闕同氣凡筵安寄奠酬不親乃睠於
斯載深驚歎膺茲景業君臨九野中區富教化俗承規宜有
解張勵茲風俗衛士掌閑幕士等遭喪合暮年上者宜聽終

制三年

永徽元年五月

不許臨喪嫁娶及上墓歡樂詔

如聞父母初終臨喪嫁娶積習日久遂以爲恆亦有送葬之
時共爲燕飲遞相酬勸酣醉始歸或寒食上墓復爲歡樂坐

對松檟曾無戚容既玷風猷並宜禁斷仍令州縣捉搦勿使

更然

龍朔二年三月

戒厚葬詔

朕聞死者終也欲物之及於真也葬者藏也欲人之不得見也上古垂風未聞於封樹後聖貽範始備於棺槨譏僭侈者非愛其厚費美儉薄者實貴於無危是以唐堯聖帝也谷林有通樹之說秦穆明君也泉臺無土壠之處仲尼孝子也防墓不墳延陵慈父也嬴博可隱洎乎闔閭違禮珠玉爲鳧鴈始皇無度水銀如江海因多藏以速禍由有利以招辱朕居四海之尊承百王之弊未明求衣中宵載惕雖往古之典詳諸儀制失禮之禁著在刑書而勳戚之家或流遁於習俗闕

閭之內或侈靡而傷風以厚葬爲奉終高墳爲行孝遂使衣
衾棺槨極雕刻之華芻靈明器窮金玉之費富者越法度以
相高貧者破資產以不逮徒傷教義無益泉壤爲害旣深宜
有懲革其公以下爰及黎庶送終之具有乖令式者明加檢
察隨狀科罪在京五品以上及勳戚之家錄狀聞奏
貞觀十
七年三
月

禁喪踰禮制

喪葬禮儀蓋惟恆式如致乖越深累公私乃有富族豪家競
相踰濫窮奢極侈不遵典法至於送終之具著在條令明器
之設皆有色數遂敢妄施隊伍假設旛稍兼復創造園宅雕
翦花樹或桐闌木馬工用尤多或吉輦凶除彩飾殊貴諸如

此類不可勝言貴賤既無等差資產爲其損耗既失芻靈之義殊乖樸素之儀此之犯違先已禁斷州牧縣宰不能存心御史金吾曾無糾察積習成俗頗紊彝章卽宜各令所司重更申明處分自今以後勿使更然

誠厚葬敕

自古帝王皆以厚葬爲戒以其無益於亡者有損於生業故也近代以來共行奢靡迭相倣倣浸成風俗罄竭家產多至凋弊然則魂魄歸天明精識之已遠卜宅於地蓋思慕之所存古者不封未爲非達且墓爲眞宅自有便房今乃別造田園名爲下帳又明器等物皆競驕侈失禮違令殊非所宜戮屍暴骸實由於此承前雖有約束所司曾不申明喪葬之家

唐大詔令集卷第八十
無所依準宜令所司據品命高下明爲節制明器等物仍定
色數長短大小園宅下帳並宜禁絕墳墓塋域務遵簡儉凡
諸送終之具並不得以金銀爲飾如有違犯者先決杖一百
州縣長官不能舉察並貶授遠官

開元二年八月

條流葬祭敕

葬祭之儀古有彝範頃來或踰法度侈費尤多自今以後宜
儉約悉依令不得於街衢致祭及假造花果禽獸并金銀平
脫寶鈿等物並宜禁斷

大歷七年三月

唐大詔令集卷第八十一

宋 宋敏求編

政事

禮樂

太常樂人蠲除一同民例詔

頒行唐禮及郊廟新樂詔

用慶善曲破陣樂詔

詔習禮樂詔

禁斷女樂敕

內出雲韶舞敕

雅樂名大唐樂制

經史

命蕭瑀等修六代史詔

修晉書詔

簡擇史官詔

令諸儒質定古文孝經尚書詔

行何鄭所注書敕

改尚書洪範無頗爲無陂敕

錄開元以來名臣事迹付史館敕

條貫起居注敕

禮樂

太常樂人蠲除一同民例詔

太常樂人今因罪謫入營署習藝伶官前代以來轉相承襲
或有衣冠世緒公卿子孫一沾此色後世不改婚姻絕於士
類名籍異於編氓大恥深疵良可哀愍朕君臨區宇思從寬
惠永言淪滯義存刷蕩其大樂鼓吹諸舊人年月已久世代
遷易宜得蠲除一同民例但音律之伎積學所成傳授之人
不可頓闕仍依舊本司上下若已仕官見入班流勿更追呼
各從品秩自武德元年以來配充樂戶者不在此例

武德二年八月

頒行唐禮及郊廟新樂詔

先王之辨方正位體國經野象天地以制法通神明以施化
樂由內作禮自外成可以安上治民可以移風易俗揖讓而
天下治者其惟禮樂乎固以同節同和無聲無體非飾玉帛

之容豈崇鐘鼓之奏日來月往樸散漳離淫慝以興流湎忘
本魯昭所習唯在折旋魏文所重止於鄭衛秦氏縱暴載籍
咸亡漢朝修輯典章不備時更戰國多所未遑雅道淪喪歷
茲永久朕恭承明命嗣膺玉歷懼深馭朽情切納隍憑宗廟
之靈資股肱之力上下交泰遐邇乂安率土阡危旣拯之於
塗炭羣生遂性宜納之於軌物興言政本載惕予懷蓋知禮
樂之情者能作識禮樂之文者能述作者之謂聖述者之謂
明朕雖德謝前王而情深好古傷大道之旣隱懼斯文之將
墜故廣命賢才旁求遺逸採六經之奧旨采三代之英華古
典之廢於今者咸擇善而修復鄭聲之亂於雅者並隨違而
矯正莫不本乎人心稽之物理正情性而節事宜窮高深而

歸簡易用之邦國彝倫以之修敘施之律呂金石於是克諧
今修撰既畢可頒行天下俾富教之方有符先聖人倫之化

貽厥後昆

貞觀十一年四月

用慶善曲破陣樂詔

國家平定天下革命創制紀功旌德久被樂章今郊祀四懸
猶用干戚之舞先朝作樂韞而未發其郊廟享宴等所奏宮
懸文舞宜用功成慶善之樂皆著履執拂依舊服袴褶童子
冠其武舞宜用神功破陣之樂皆衣甲持戟其執纛之人亦
著金甲仍量加簫笛歌鼓等於懸南列坐於宮懸合奏

麟德二年

月十

詔習禮樂詔

禮樂之用其來尚矣朕誕膺明命克光正歷思隆頌聲以康
至道而曲臺闡訓猶乖揖讓之榮大樂登歌徒紀鏗鏘之韻
良以教虧縣絕學闕瞽宗興言盛業寤歎盈懷然則幽誠所
著縱九皋而必聞忠信且存在十室而無棄但慮習俎之彥
隱跡於閭閻辨鐸之英韜聲於林藪夫良玉無脛求之斯來
眞龍難覩好之而至其四方士庶及圜棲隱有能明習禮
經詳究音律於行無違在藝可錄者並宜州縣搜揚博訪具
以名聞

禁斷女樂敕

朕聞樂者起於心心者動於物物不正不可爲樂樂不正則
不能理人況天生黎蒸區別男女外則不能道之以禮中則

不能由之以樂苟或不臧孰云致理自有隋頽靡庶政凋缺
徵聲徧於鄭衛衒色過於燕趙廣場角技長袖生風聚而觀
之寢以爲俗所以魯君奪志夫子遂行也朕方大變澆漓用
清淄濁眷茲女樂事切驕淫傷風害政莫斯爲甚旣遵令式
尤宜禁斷自今以後不得更然仍令御史金吾嚴加捉搦如
有犯者先罪長官務令杜絕以稱朕意

開元二年
八月七日

內出雲韶舞敕

朕聞舞者所以節入音而行入風豈徒誇詡時代炫耀耳目
而已也自立雲韶內府百有餘年都不出於九重今欲陳於
百姓冀與公卿同樂豈獨娛於一身且珠翠綺羅孰非珍玩
常念百金之費每惜十家之產是以所服之服俱非羅綺所

冠之冠亦非珠翠至若弋綈之制大帛之衣德雖謝於古人

儉不慚於曩哲庶郡公等觀此當體朕之不奢

開元十二年正月

雅樂名大唐樂制

王者作樂古之大猷蓋以殷薦上帝嚴配祖考况順天地之體開山川之風發揮雅音道達和氣揖讓而禮不其盛歟自戰國以來此道隳壞但紀鏗鏘之節寧採述作之深歷代因循莫之改革朕嘗以聽政之暇緬尋前典雖舊制之空存而正聲之多缺將何以列彼祠祀感施靈祇斯事體大諒資合度是用躬親有以裁較定六律而爲本避五行之相尅哀慢淫過去其弊也清濁剛柔適其中也亦既協應頗爲成文或得之於自然乃不知其本欲登上玄幽贊俾正缺遺者哉方

於六代之作亦各一時之義也乃命太常陳於祀事用昭誠
敬且敦風俗而王公卿士爰及有司頻詣闕上言請以唐樂
名斯至公事朕安得而辭焉然則大韶大護大夏皆以大字
表其樂章今之所請宜曰大唐樂

開元二十九年六月

經史

命蕭瑀等修六代史詔

經典存言史官紀事考論得失究盡變通所以裁成義類懲
惡勸善多識前古貽鑒將來伏羲以降周秦斯及兩漢繼緒
三國並命迄於晉宋記載備焉自晉南徙魏乘機運周隋禪
代歷世相仍梁氏稱邦跨據淮海齊遷龜鼎陳建宗祊莫不
自命正朔繇歷歲祀各殊徽號刪定禮儀至於發跡開基受

終告代嘉謀善政名臣奇士立言著績無乏於時然而簡牘未修紀傳咸缺炎涼已積謠俗還訛餘烈遺風泯焉將墜朕握圖御宇長世字民方立典謨永垂憲則顧彼湮落用深歎悼有懷撰錄實資良直中書令蕭瑀給事中王敬業著作郎殷聞禮可修魏史侍中陳叔達祕書丞令狐德棻太史令唐儉可修周史兼中書令封德彝中書舍人顏師古可修隋史大理卿崔善中書舍人孔紹安太子洗馬蕭德言可修梁史太子詹事裴矩兼吏部郎中祖孝孫前祕書丞魏徵可修齊史祕書監竇璡給事中歐陽詢秦王文學姚思廉可修陳史務加詳覈博采舊聞義在不刊書法無隱

武德五年十二月

修晉書詔

朕拯溺師旋省方禮畢四海無事百揆多閒遂因暇日詳觀
典府考龜文於義載辨鳥冊於軒年不出巖廊神交千祀之
外穆然旒纒臨睨九皇之表是知右史序言由斯不昧左官
詮事歷茲未遠發揮文字之本導達書契之源大矣哉蓋史
籍之爲用也自沮誦攝官之後伯陽載筆之前易代史臣皆
有刪著仲尼修而采禱枕倚相誦而闡正墳降自西京班馬
騰其茂實逮於東漢范謝振其芳聲蕞爾當塗陳壽敷其國
志眇哉有宋沈約裁其帝籍至梁陳高氏朕命勒成惟周及
隋亦同甄錄莫不彰善癉惡陳一代之清芬褒吉懲凶備百
王之令典唯晉氏膺運制有中原上帝啟元石之圖下武代
黃星之德及中朝鼎沸江左嗣興並宅寰區各重徽號足以

飛英麗筆將美叢書但十有八家雖存記注而才非良史事
虧實錄緒繁而寡要思勞而少功叔寧課虛滋味同於畫餅
子雲學海涓滴堙於涸流處叔不預於中興法盛莫通於創
業洎乎于陸曹鄧略記帝王鸞盛廣訟纔編載記其文既野
其事罕傳遂使典午清高韞遺芳於簡冊金行曩誌缺繼美
於驪駮遐想寂寥深爲歎息宜令修國史所更撰晉書銓次
舊聞裁成義類俾夫湮落之誥咸使發明其所須可依修五
代史故事若少學士亦量事追取

貞觀二十
年閏二月

簡擇史官詔

修撰國史義在典實自非操履貞白業量該通讜正有聞方
堪此任所以承前縱居史官必就中簡擇灼然爲眾所推者

方令著述如聞近日以來但居此職卽知修撰非唯編輯疏
舛亦恐漏泄史事自今以後宜遣史司於史官內揀擇堪任
修史人錄名進內自餘雖居史職不得輒令聞見所修史籍
及未行用國史等事

總章三年十月

令諸儒質定古文孝經尙書詔

孝經尙書有古文本孔鄭注其中指趣頗多踳駁精義妙理
若無所歸作業用心復何所適宜令諸儒并訪後進達解者
質定奏聞

開元七年三月

行何鄭所注書敕

朕以全經道喪大雅久乖漳感之性浸微流通之源未息是
用旁求廢簡遠近缺文欲使發揮異說同歸要道永惟一致

之用宜開百行之端聞者諸儒所傳頗乖通義敦孔學者冀
鄭門之息滅尙今文者指古傳爲誣譌豈朝廷並列書府以
廣儒術之心乎況孔鄭大宗固多殊趣諸生會議曾無所申
而推求小疵其細已甚聚訟之訛人無則焉其何鄭二家可
令仍舊行用王孔所注傳習者希宜存繼絕之典頗加獎飾
子夏傳逸篇旣廣前令帖易者停

開元七年五月

改尙書洪範無頗爲陂敕

敕典謨旣作雖曰不刊文字或訛豈必相襲朕聽政之暇乙
夜觀書匪徒閱於微言實欲暢於精理每讀尙書洪範至無
頗遵王之義三復茲句常有所疑據其下文並皆協韻唯頗
一字實則不倫又周易泰卦中無平不陂釋文云陂有頗音

陂之與頗訓誥無別爲陂則文亦會意爲頗則聲不成文應由煨燼之餘編簡墮缺傳授之際差別相沿原始要終須有刊革朕雖先覺兼訪諸儒僉以爲然終非獨斷其尙書洪範無偏無頗字宜改爲陂庶使儒先之義去彼膏肓後學之徒正其魚魯仍令宣示國學

錄開元以來名臣事迹付史館敕

敕朕君臨萬邦多歷年所於今行事動必見書循以舊章傳諸實錄豈朕之獨理所賴良臣或謀慮以濟其事或規諷以成其道開元以來有勳庸德業者咸宜備敘其身已沒者宜令于孫共錄事迹送史館

開元二十五年五月

條貫起居注敕

唐大詔令集卷第八十一
記事記言史官是職昭垂法誠著在舊章舉而必書朕所深
望自今以後每坐日宰臣及諸司對後如使可備勸誠合在
紀述者委承旨宰相宣示左右起居綴錄仍準舊例每季送

史館

元和十二年九月

唐大詔令集卷第八十一

唐大詔令集卷第八十二

宋 宋敏求編

政事

刑法

頒新律令詔

糾劾違律行事詔

頒行新律詔

法司及別敕推事並依律文詔

恤刑詔

頒行新令制

申理冤屈制

頒行律令格式制

減大理丞廢私官獄敕

申冤制

訴事人先經州縣敕

減抵罪人決杖法詔

令宰臣與法官詳死刑敕

寬徒刑配諸軍效力敕

頒行新定律令格式敕

罪至死者勿決先杖敕

刪定制敕

禁罪人鞭敕

頒歷

頒行麟德歷詔

更改閏月制

刑法

頒新律令詔

古不云乎萬邦之君有典有則辨方正位體國經野故九疇之敘興於夏世兩觀之法大備隆周所以禁暴懲奸宏風闡化安民立政莫此爲先自戰國紛擾恃詐任力苛制煩刑因茲競起秦并天下墮滅禮教恣行酷烈害虐蒸民宇內騷然遂以顛覆漢氏撥亂思易前軌雖務從約法蠲削嚴科尙行植醢之誅尤設黔黎之禁字民之道實有未宏刑措之風以

茲莫致爰及魏晉流弊相沿寬猛乖方綱維失序下凌上替
政散民凋皆由法令混訛條章錯謬自斯以後宇縣瓜分戎
馬交馳未遑典制有隋之世雖云釐革然而損益不定疏舛
尙多品式章程罕能甄備加以微文曲致覽者惑其淺深異
例同科用者殊其輕重遂使姦吏巧詆任情與奪愚民妄觸
動陷羅網屢聞刊改卒以無成朕膺期受錄寧濟區宇永言
至治興寐爲勞補千年之墜典拯百王之宿弊思所以正本
澄源式清流末永垂憲則貽範後昆爰命羣才修定科律但
今古異務文質不同喪亂之後事殊曩代因機適變救弊斯
在是以斟酌繁省取合時宜矯正差違務從體要迄茲歷稔
撰次始畢宜下四方卽令頒行庶使分曹簡肅無取懸石之

多奏讞平允靡競錐刀之末勝殘去殺此爲非遠其修撰之

人宜加官賞武德七年四月

糾劾違律行事詔

朕恭膺寶命撫臨率土用鑒前王憲章典故雖文質遞變沿革不同而發號施令殊塗一揆皆所以成當世之典謨開生民之耳目納之軌度令其禁止自律令頒行積有歲時內外羣官多不尋究所行之事動乖文旨此乃臣有所隱民不見德與夫不令而誅何以異也斯豈守道履正徇公奉法者乎自今以後官人行事與律乖違者仰所司糾劾具以名聞貞觀

元年八月

頒行新律詔

象服畫冠化隆上乘道德齊禮刑清中代暨乎大道既隱凜
風已衰圉狎所以實煩手足爲之無措自斯以降禁網逾密
太宗文皇帝撥亂反正恤獄慎刑杜澆弊之大源削煩苛之
峻法道臻刑措二十三年玉几遺訓重令刊改朕仰遵先旨
旁求故實詔太尉揚州都督無忌開府儀同三司勣尙書左
僕射行成光祿大夫侍中高季輔右丞段寶玄太常少卿令
狐德棻吏部侍中高敬言刑部侍郎劉燕客等爰逮朝賢詳
定法律酌前王之令典考列辟之舊章適其輕重之宜采其
寬猛之要使夫畫一之制簡而易從約法之章疏而不漏再
移朞月方始勒成宜頒下普天垂之來葉設而不犯均被皇
恩凡百羣臣逮於列位其務在審慎稱朕意焉

永徽二年九月

法司及別敕推事並依律文詔

朕聞大小之情義重前誥哀矜勿喜道光遐冊朕恭膺寶業
嗣臨億兆留心聽斷劬勞日積一物乖方納隍軫慮今旣科
格咸備憲制久行訊鞫之法律條具載深文之吏猶乖遵奉
肆行慘虐曾靡仁心在含氣之倫稟柔脆之質乃有懸枷著
樹經日不脫單衣無纊連宵忍凍動轉有碍食飲乖節殘酷
之事非復一途楚痛切心何求不得念及於此深以矜懷又
投匿名書國有常禁凡厥寮庶咸應具悉近來遂有人向朝
堂之側投書於地隱其姓名誣人之罪朕察其所陳皆極虛
妄此風若扇爲蠹方深自今以後內外法司及別敕推事並
依律文勿更別爲酷法其匿名書並宜準律處分庶使泣辜

唐大誥卷八十二
四
之情遠覃於四海卹刑之旨長垂於萬葉

永徽六年十一月

恤刑詔

哀矜折獄義光呂訓明慎用刑事昭姬象朕以寡昧嗣登宸極思闡大猷式隆景運蹈冰彌懼屬想於寰中御朽彌兢馳襟於洛下虛已待物每從寬政如聞率土州縣留獄尙繁困於囚繫至於病死一歲之中數行二百蓋由上愆亭育之化下乖堯舜之心深責在躬興言多媿抑又聞之與我共理天下者其惟良二千石今之所任或勿詳欽恤之旨輒苟徇苛刻之則幽繫困滯暑露交侵淹有歲年成其疾苦加以杖笞失度桎梏違方巧詆深文生將安望自今宜革前弊罪無大小不得稽留其囚疾患及輕罪並笞杖等雖法有恆規恐典

吏妄生威福官人不存檢校或顏面囑請觸類以之若仍舊
不悛當加重罪布告天下知朕意焉

龍朔二年八月

頒行新令制

門下蓋大帝臨下覆幬之德彰焉聖人在上裁成之迹著焉
然則統天理運微政令不能通其道經國訓人非渙汗無以
宣其化故羲爻演易后以施命誥四方虞典記言帝乃敷文
備九域豈惟道人振鐸理存乎闡教象闕懸書義在於垂法
雖時分步驟必循先甲之規代變驪駟無革達名之軌旣而
漳源已往澆風漸扇奸宄於是萌生謫詐以之颯起相彼羣
俗頗乖於信義顧茲庶尹罕嗣於忠勤尺一交馳徒有書亭
之弊五條閒出猶招挂壁之譏非所謂光闡帝國作爲人極

者也由此緣綈爰降尤慎於冗繁黃素所施彌崇於喻曉皇
家勦業抑揚前古粵在貞觀大啟憲章浹聲教於幽遐燭文
明於區宇鴻池衍誥統理詳密螭鈕騰文規模宏遠固以貽
厥將來懸諸日月朕祇肅鴻業恭臨寶位握千載之禎符承
百王之末緒凝神閒館託軒夢以憂人采謠康衢用堯心而
拯物然以萬機事廣恐聽覽之或遺四海務殷慮緝訪之多
闕南宮故事綜覈已殫內史舊章搜羅殆盡自御宸辰每懷
冰谷身雖處於巖廊情實係於億兆比者在外州府數陳表
疏京下諸司亦多奏請朕以爲帝命多緒範圍之旨載宏王
言如絲彌綸之道斯洽前後處分因事立文歲序旣淹條流
遂積覽之者滋惑行之者愈怠但政貴有恆詞務體要道廣

則難備事簡則易從故曰永繼以來詔數嚴令抄汰詳稽得
失甄別異同原始要終捐華摭實其有在俗非便事縱省而
悉除於時適宜文雖繁而必錄隨義刪定以類區分上稟先
規下齊庶政導生靈之耳目闢風化之戶牖俾夫施之萬祀
周知訓夏之方布之八埏共識司南之路仍令所司編次具
爲卷帙施行此外並停自今以後諸有表奏事非要切並準
敕令各申所司可頒示普天使知朕意

儀鳳元年十
二月五日

申理冤屈制

門下大帝降鑒無幽不燭下人上訴在屈必申將使處巖廊
者戶牖絕千里之遙御億兆者闕庭無九重之隔故堯推心
以撫俗業濟天下湯剋己以祭冤惠孚海內朕祇膺寶歷寅

奉璇圖常居安以戒危每在得而思失慮一夫之勿獲憂萬
方之罪己以爲承平旣久區寓至廣州邑相望眾庶殷阜事
繁則詐起法弊則奸生念茲冤滯載懷愴惻是以頻發詔書
庶幾息訟比命申理未副朕懷百姓雖事披論官司不能正
斷及於三司陳訴不爲究尋向省告言又卻付州縣至財物
相侵婚田交爭或爲判官受囑有理者不申或以按主取錢
合得者被奪或積嫌累載橫誣非罪或肆忿一朝枉加殺害
頻經行陣竟無優賞或不當矢石便獲勳庸改換文簿更相
替奪或於所部頻倩織作少付絲麻多收絹布或營造器物
耕事田疇役卽伍功顧無半直又境內市買無所畏憚虛立
賤價扣取貴物實貪利以侵人仍據佔以防罪或進退了戶

等色多有請求或解補省佐之流專納賄賂或徵科賦役差
點兵防無錢則貧弱先充行貨則富強獲免亦有鄉邑豪強
容其造請或酒食交往或妻子去還假託威恩公行侵暴凡
如此事固非一緒經歷臺省往來州縣動淹年歲曾無與奪
欲使元元何所控告見在京訴訟人宜令朝散大夫守御史
中丞崔謐朝散大夫守給事中劉景先朝請郎守中書舍人
裴敬彝等於南衙門下外省共理冤屈所有訴訟隨狀爲其
勘當有理者速卽奏聞無理者示語發遣其有虛相搆架浪
擾官方若經處分諠訴不絕者宜卽科決使知懲勸仍限今
年十二月內使了其在外州縣所有訴說冤滯文案見未斷
絕者並令當處速爲盡理勘斷務使甘服勿使淹滯若處斷

不平所司糾察得實者所有官人隨卽科附可布告遐邇使

知朕意

儀鳳二年十一月十三日

頒律令格式制

門下朕聞唐虞膺籙畫象而人知禁夏商御圖設刑而罪不
息周秦以降沿革罕同漢魏而還條流浸廣雖或輕或重一
弛一張義在於訓人事期乎肅物然則刑辟勿用見稱於昔
典法令滋章貽譏於前哲朕情在愛育志切哀矜疏網恢恢
實素懷之所向苛政察察良夙心之所鄙方冀化致無爲業
光刑措近見所司進律令格式一一自觀至於經邦成務之
規訓俗懲違之範萬目咸舉一事無遺如能奉以周旋守而
勿失自可懸諸日月播之黎庶何事不理何化不成先聖憂

勤萬務省念庶績或慮須有弛張所以迅令刪定紀綱備舉
法制宏通理在不刊義歸無改豈可更有異同別加撰削必
年月久遠於時用不便當廣延羣議與公卿等謀之今未有
疑無容措筆其先定律令格式之本宜早宣布凡厥在職務
須遵奉輒造異端妄踰軌躅者咸禁除之庶用刑符於畫一
守法在於無二內外寮案知朕意焉

文明元年四月二十六日

減大理丞廢官獄敕

鸞臺崇德簡刑列辟之彝範并官省事有國之良圖聖人執
契以乘時道苞乾大善政改絃而馭俗義協鼎新朕虔荷先
基恭臨下土運一心之淺慮憂四海之羣生馭朽載兢踐冰
惟惕幸賴九玄垂祐七廟宣靈天地以清風雨咸若菽粟登

稔彊徼無虞茂祉日繁諸禎歲集答昊穹之睠命順億兆之
誠祈蒼璧靈壇展嚴禋於上帝黃金祕牒追顯號於前王大
典聿申鴻符允暢斯寶祖宗之遐慶華夏之多福豈朕虛薄
能臻此乎但萬歲初元肇開昌歷九章恆憲甫釋嚴科遠近
無縲絀之冤老幼有歌謠之樂人皆遷善政在維新丹筆刑
官已絕蕕梧之聽黃沙獄戶將爲鞠草之場而法禁之曹寮
案斯眾司刑一局便有八丞旣罕囚徒靜無推案豈煩多士
虛習夏書宜減二員俾從他職文昌國府建禮天闈庶政是
歸具寮攸仰諒清縑之美地非頽服之攸居雖復時有申讞
頗須聽斷兩造之文必具五詞之理易窮詎假狴牢方甄枉
直仙臺置獄甚爲非宜今欲總撤疏羅寧可別施囹圄其秋

官獄卽宜除毀朕旣深居祕宇不能徧覽縣區唯仗時賢共
康天下州牧縣宰寄重親人僚守句曹任維綱紀百姓或有
所犯必須盡理推尋審知罪狀分明方可禁身科斷不得才
聞小過遽繫圜扉高下其心同叔魚之鬻獄輕重其手爽定
國之平刑黠吏崇奸恣其乾沒要囚多滯積以災涼有一於
茲當加重譴幸悉心而慎罰同底績於勝殘佇宏勿辟之規
用闡無爲之化將使三千之罪永絕於當年豈惟數百之刑
僅寬於昔代布告天下識朕意焉

登豐元年十月十一日

申冤制

門下九重深邃非閭閻之可聞萬邦遐曠因表疏而方達朕
尊居黃屋心念蒼生微物不安每切納隍之慮一人失業更

縈宵旰之懷思欲下情上通無令壅隔所以明四聰者也其
官人百姓等有冤滯未申或獄訟失職或賢才不舉或進獻
謀猷如此之流任其投匭凡百士庶宜識朕懷

神龍元年二月二十七日

訴事人先經州縣敕

六卿分設諸郡咸理在於人下合免冤滯如聞越局侵務背
公向私其傷則多爲政必紊宜令天下州縣百司察案俱守
乃曹各勤所職或有身名尙屈刑罰不平賦役未均徵差無
次爰及侵奪亦兼違負凡人所訴大略如斯若縣不爲申州
必須舉州不能理府必爲裁上下相持冤訟可息自今以後
訴事人等先經縣及府州并尙書省披理若所由延滯不爲

斷決委御史采訪奏聞長官以下節級量貶

開元十年閏三月

減抵罪人決杖法詔

敕大德曰生至重曰命緬觀前典惟刑是恤比來犯盜先決
一百雖非死刑大半殞斃言念於此良用惻然自今以後抵
罪人合決杖者並宜從寬決杖六十一房家口移隸磧西其
嶺南人移隸安南江淮南人移隸廣府劍南人移隸姚巋州
其磧西姚巋安南人各依常式

開元二年四月

令宰臣與法官詳死刑敕

朕猥集休運多謝哲王然而哀矜之情大小必慎自臨寰宇
子育黎蒸未嘗行極刑起大獄上元降鑒應以祥和思協平
邦之典致之仁壽之域自今有犯死刑十惡罪宜令中書門
下與法官詳所犯輕重具狀奏聞

開元二十年正月

寬徒刑配諸軍效力敕

敕刑之所設將以閑邪法不在嚴貴於知禁朕自臨萬國向
踰三紀思宏至道之化實務好生之德比者應犯極法皆令
免死配流所以市無刑人獄無冤繫哀矜勿喜冀洽於生靈
小大以情寧忘於鑿寐至於徒罪雖非重刑力役之外不免
拘繫載罹寒暑誠可矜量自今以後其犯罪應合徒者並配
諸軍效力庶感激之士因以成功寬大之恩協於在宥且本
置杖罪是代肉刑將以矜人非惟重法今官吏決罰或有任
情因茲致死深可哀憫其犯杖罪情非巨蠹者量事亦令效
力宜令所司作載限仍立條例處分

天寶四年七月

頒行新定律令格式敕

敕簡而易從疏而不漏二者之義良有旨哉朕思正國綱舉
爲大化至於律令格式正之隄防豈非沿襲亦致增損條流
旣廣繁冗遂多或輕重不倫或交互相背舞法之吏因以情
坐得罪之人何妨誤入觸類而長頗乖折中永言於此是用
興懷先令中書門下及明法人等商量刊定兼亦采諸羣議
遍示具諭洎乎畢功已淹歲序近者親覽又歷旬時如此再
三事亦詳慎不刊之典固亦庶乎適時之方斯其宜矣可頒
告天下

罪至死者勿決先杖敕

比者所司斷罪拘守科條或至死刑猶決先杖處之極法重
此傷殘非惻隱也自今罪至死者勿決先杖

貞元八年十一月

刪定制敕

元和長慶之中皆因用兵且欲濟事所具制條或是權宜今四方少寧庶政須理每有司檢舉行下則諸道援引申論所執不同遂成舛駁者若不刊定則無準憑宜令尚書省諸行郎官各取本司元和以來敕參詳定訖送都省令左右丞重與尚書侍郎覆視更加裁度送中書門下議定奏聞

大和元年六月

禁罪人鞭背敕

朕比屬暇日周覽國史伏覩太宗因閱明堂見五臟之系咸附於背乃下制決罪人不得鞭背且人之有生繫於臟腑鍼灸失所尙致天傷鞭朴苟施能無枉橫况五刑之內笞最爲輕豈可以至輕之刑傷至重之命朕恭承丕業思奉貽謀言

念於此載懷惻隱其天下州府應犯輕重罪人除情關巨蠹
法所難原其他過誤罪愆及尋常公事違犯並準貞觀四年
十一月十七日制處分不得鞭背今年以後每至夏至之後
立秋以前犯罪人就州府常條之中亦宜量與矜減速爲疏
理不得久令禁繫委御史臺切加糾察永爲常式

大和四年四月

頒歷

頒行麟德歷詔

夫氣象初分乾坤之位斯定剛柔遞運寒暑之節攸施而晦
朔相循炎涼載革歸乎推步方紀歲時顓頊應期重黎司天
地之職放勳承統羲和掌日月之官履端之道無睽與正之
典斯在洎乎末代漸致疏闊鄧平之術旣已多乖朱浮之言

罕能遵用九章五紀莫究精微日次月躔寧循晷度朕御天
撫歷君臨萬方眷言茲道將恐淪缺欽若垂化曷所憑焉爰
命所司研窮詳正仰稽七曜旁綜五家去其繁衍裁以要密
古所未通今則備載陰陽之數可測盈縮之理無愆改元履
初占考此歷歲唯甲子得於天正合朔之後應以嘉祥五緯
若連珠二曜若合璧雖上玄致瑞實增祇媿而推測所詳固
以精悉氣序恆順分銖弗舛以授農功升平可致昔洛下閎
造漢歷云後八百載當有聖人定之自火德洎我年將八百
事合當仁朕亦何讓宜卽宣布永爲昭範可名曰麟德歷起

來年行用之

麟德一二年
九月辛卯

更改閏月制

頃所司造歷以臘月爲閏稽考史籍便紊舊章遂令去歲之中晦仍見月但恐寒暑未節有爽天經用敷欽若中懷式陳敬授之典重更尋討果差一日履端舉正屬在於茲宜改歷惟新革非於既往可以十月爲閏十月一日甲子朔旦冬至

神功元年七月

唐大詔令集卷第八十二

開六節分集卷八十二

...

...

...

...

...

...

...

...

...

...

唐大詔令集卷第八十三

宋 宋敏求編

政事

恩宥一

曲赦涼甘等九州制

武德二年十月赦

益州夔州管内疏理囚徒制

貞觀四年二月大赦

貞觀九年三月大赦

開元三年正月德音

原減囚徒赦

孟夏疏決天下囚徒敕

宥京城罪人敕

以春令減降天下囚徒敕

恩宥一

曲赦涼甘等九州制

朕恭膺寶命綏靜氓黎思俾宇內躋於仁壽而河湟之表比
罹寇賊句連凶醜壅隔朝風元元之民匪遑寧晏夙興軫慮
旰食忘疲重勞師旅不令討擊馭以遐算且事招懷而慕化
之徒乘機立效兵不血刃費無遺鏃今凶狡卽夷西陲克定
遠人悅附政道維新宜播惠澤與之更始可曲赦涼甘瓜鄯
肅惠蘭泗廓九州自武德二年五月十六日以前罪無輕重

已發覺繫囚見徒並從原免桀犬吠堯非無前喻弃瑕蕩穢
列聖通規惡言不順及邪謀惑計者並從洗滌一無所問

武德二年十月赦

朕祇膺靈命君臨區宇承凋弊之餘拯橫流之難雖復蠲除
徭賦督課耕農安集黎元與之休息然而鯨鯢未翦四海多
虞師旅荐興事不獲已及其士卒浮惰苟求逸樂憚於征役
離其營伍因此竄逃潛匿崎嶇盜竊爲資規免朝夕良由勸
勵不明部署失所弛慢之責在於朕躬琴瑟不調已云變革
多墜刑網情兼軫悼宜從寬宥許以自新其義士募人有背
軍逃亡者自武德二年十月二十日以前罪無輕重皆赦除
之飢寒困敝不能自存所在官司隨事振給士非素勵難以

應敵設法垂憲期於不犯自今以後有背軍鎮征役者隨卽科處必無容貸宜明宣告咸使聞知

益州夔州管內疏理囚徒制

緩刑議獄哲王弊訓解網泣辜前賢茂軌朕君臨海內撫育黎元一物乖所納隍興慮其益州道行臺及夔州總管府眾務臻集統攝遐長囚徒禁係其數不少或控告未申多有冤屈或注引肆意濫及貞良致使文案稽延訟獄繁雍念彼枉滯情深愍惻其益州管內諸州委御史大夫無逸檢校夔州總管內委趙郡公孝恭檢校所有囚徒悉行覆察務使寬簡小大以情但有負罪逃亡棄業鄉邑無問輕重悉令歸首明

加勸導務修墾植庶使家給人足稱朕意焉

武德四年四月

貞觀四年二月大赦

天生蒸民樹之司牧莫不仰應靈命克嗣寶圖用能永享鴻
名常爲稱首朕君臨八表於今四載夙興夜寐無忘晷刻履
薄馭朽思濟黔黎惟此至誠庶幾王道上荷蒼旻之眷下藉
股肱之力宇內休平遐邇寧泰率此區域致之仁壽憬彼西
陲爲患自昔軒昊以來常爲寇暴是以隆周致涇水之師強
漢受白登之辱武夫盡力於關塞謀士極慮於廟堂征伐和
親無間上策有隋災亂馮陵轉甚疆場之前曾無寧歲朕韜
戈銷戟務其存養自去歲迄今降隸相繼不勞衛霍之將無
待賈晁之略單于稽首交臂葦街名王面縛歸身藩邸襁負
而至前後不絕射鵬牧馬之鄉狼望龍堆之境蕭條萬里無

唐書卷之二十三
三
復王庭唯頡利挺身逃竄林穴天網雲布走伏何所大同之
世諒在茲日斯皆上玄降佑清廟威靈豈朕虛薄所能致此
方欲至仁化物宜存寬惠思與萬邦同享斯福可大赦天下
自貞觀四年二月十八日以前罪無輕重自大辟以下見繫
囚徒皆赦除之逋負官物三分免一分其謀反大逆妖言惑
眾及殺朞親以上尊長奴婢部曲反主官人枉法受財不在
赦例鰥寡孤獨不能自存者州縣量加振濟賜天下大酺五
日敢以赦前事告官者以罪罪之

貞觀九年三月大赦

天地播氣垂生育之德皇王御歷宏覆幬之仁故能財成萬
類光宅八表朕祇奉慈訓嗣守鴻業承百王之季末屬四海

之凋殘晨興夕惕無忘兆庶克己勤躬思隆政道欲使陰陽
順序干戈載戢庶幾前烈致茲刑措而山東之地頻年不稔
水雨爲災饑饉相屬蠢爾西戎屢擾邊境事不獲已遂勞兵
車良由誠未動天德不被物興念及此撫己多漸加以澆偽
尙繁刑典仍用雖復留心聽斷明慎庶獄常恐縲紲之中負
冤靡訴憲綱所及勿辜致罪一物有怨責深在余今歲惟暮
春時屬生長奉天布澤與物更新可大赦天下自貞觀九年
三月十六日昧爽以前大辟罪以下皆赦除之其常赦不免
者不在赦例鰥寡孤獨不能自存者所在官司量加振卹

開元三年正月德音

青春式序陽和布氣萬物熙熙莫不遂其性而嘉其生

念愚人干我王度日陷阮弇寘之網羅朕代天理物爲人父母眷言囚徒良增隱惻豈憲章之尙密將教導之不明順時行令仰惟恆典兩京及天下見禁囚除犯惡逆并造偽下闕以前宜決一百配流嶺南及磧西諸州其一切放免

原減囚徒敕

敕惟刑恤哉古之道也朕撫臨四海茂育萬方思致淳風登之壽域期畫冠而不犯故開羅而在宥念茲下愚自抵常法時屬盛夏天其養生在物最靈惟人爲貴朕處臺榭猶有鬱蒸之毒彼居囹圄能無炎熱之憂故令宰臣備加按察省覽所奏用憫於懷爰矜可恕之罪必務惟輕之義將布寬惠當

從原減宜依前件

開元二年五月十六日

孟夏疏決天下囚徒敕

法以閑邪刑以助化因時而施蓋非獲已朕自臨御天下憂勞庶務以至誠感物道冀有孚以至理致和仁或由己豈欲以刑制政期於以化清刑故不用殊絕之法每施寬大之令而遷善者眾犯法者寡斷獄十數聞諸有司然一猶夫不獲在予多媿寰宇殷廣京都浩壤繫於徽纆或未聽理逮捕斯擾糧饋爲勞生業或虧何以卒歲言念於此深用憫然況今長贏在辰耘耨斯切順時立政在乎恤人思宏在寬之典庶無留獄之弊其天下囚徒卽令疏決其妖訛盜賊造僞頭首卽深蠹時政須量加懲罰刑名至死者各決重杖一百長流嶺南自餘枝黨被其誑誤矜其至愚量事責罰使示懲創流

以下罪並節級處分令中書門下就大理及府州縣詳理元

十九年四月二十日

宥京城罪人赦

五刑之用以禁姦慝三宥之設以矜愚耄朕永康四海憂在
兆人俾臻大化爰措庶獄而愚妄之民抵犯或聞向隅可哀
當宁輿軫今天地既肅戒嚴在命時分其今罪則無留載憫
幽狂思布生德宜崇減死之恩式明宥過之典其京城內犯
罪等人昨令按覆其中造偽頭首及謀殺人斷死者杖一百
配嶺南惡處雜斷死罪決一頓免死者配流遠處雜犯流移

者各減一年杖罪以下並免

開元八年九月

以春令減降天下囚徒赦

行慶施惠所以奉天時緩刑恤獄所以憂民隱今陽和布序
草樹自榮而或入於罪隸嬰於春藁同被亭育之恩未暢生
成之施言念於此深用憫然思宏時令以哀庶獄天下囚徒
罪至死者特寬宥配隸嶺南遠惡處其犯十惡及偽造頭首
量決一百長流遠惡處流罪犯罰鎮三年其徒以下罪並宜
釋放其有官吏犯贓推問未了者仍準取實狀定名訖然後
準降處分計贓一匹及與百姓然有仇者並不須令卻上其
都委中書門下疏理京城委留守天下諸州委長官並當日
處分其保停務之類並宜準此

開元二十
一年二月

與代其封爵等文職並宜舉州

請交中書門下納監京府委屬安天平諸縣委屬渭濱當日

舉納徵交情職一四又與百拔然自時香並不與合略土其

爵以其自以事職州人任濟州舉州實州安香請然登

舉州一自長武故博恩張非於贈職三其其其以平罪並宜

舉上及春封爵等職縣南封恩其以十恩文封世題首

以之職言念以此封其封然恩也知命以定無疑天不凶

自舉而近人效罪然恩其春實而封等首之恩未封小

唐大詔令集卷第八十三

唐大詔令集卷第八十四

宋 宋敏求編

政事

恩宥二

遣使往諸道疏決囚徒敕

以春令減降囚徒敕

以春令減降囚徒德音

原免囚徒德音

大歷四年大赦

大歷五年大赦

大赦京師三輔制

恩宥二

遣使往諸道疏決囚徒赦

敕朕緬稽古訓思致人和爰發由衷之詔自行順時之政令
孟夏初吉三農在期禮先決於薄刑義必寬於輕繫既聽其
令用軫於懷雖囹圄之閑少聞於冒犯澄清之使素盡於忠
公元慮吏有煩苛人或冤滯是爽和平之氣殊乖敬授之心
其天下見係囚徒及事發應推身不禁者卽宜差使分往諸
道量事疏決及宣布時令除犯贓賄十惡死罪不赦自流徒
以下特宜放免迴日聞奏務在欽恤以稱朕懷

開元二十
年四月

以春令減降囚徒赦

國之用刑兼在於慎恤王者布澤亦貴於乘時所以大易陳

規必議緩獄周官設教遵於中典朕恭臨寶位憂念黎元乾
乾之心日慎一日況兵戎未息征役尤煩哀此下人無忘夕
惕如聞州縣之內多有纍囚囹圄之間動淹時序每切納隍
之慮常懷解網之仁今陽春布和品彙咸達宜覃在宥之澤
俾協生成之化其天下見禁囚徒死罪從流流罪以下一切
放免其十惡反逆及造僞頭首強盜劫殺官吏犯贓枉法等
害政既甚在法難容不在免限其諸供司及作曹非切要外
並宜減省京畿諸色和糴一切並停其天下百姓有灼然單
貧不支濟者緣租庸先立限長行每鄉量降十丁尤恐編戶
之中懸磬者眾限數既少或未優矜其實不支濟者宜令每
鄉量更矜放待資產稍成任依恆式以天下未寧頻申赦令

公私庶務優恤蓋多載覃宥過之恩庶及措刑之美宣示中

外知朕意焉

乾元二年二月

以春令減降囚徒德音

乘時布澤有國之彝訓議獄緩刑前王之茂典由是洽其麇
卵商湯宏解網之仁順彼陽和漢后有錄囚之詔育物施惠
抑惟舊章朕纘服鴻業祇膺寶位日旰忘食中夜求衣慮一
物之失所憂四方之未乂雖身居黃屋而志在蒼生今寇孽
爲虞征輸未息尤恐提戈釋耒未有厚於人時寘棘埋梧或
慮盈於幽獄屬三陽啟泰萬物遂生宜覃在宥之澤庶協惟
新之令其天下見禁囚徒死罪降從流以下並宜釋放京城
宜令中書門下卽分往府縣御史臺大理寺卽親自按問決

訖具狀聞奏諸州府各委所由長官準此處分諸色流人及
左降官等所由類例並與量移仍委中書門下覆奏取處分
其先緣安祿山僞署三司有名應在流貶者原情議罪負國
誠深朕已捨其殊死竄於荒徼固當與眾共弃長爲匪人然
皆邦家舊臣常挂纓冕使其終沒裔土永匿慙魂不若貸以
殊施俾令效節亦準例處分兼委中書門下量輕重類例奏
取處分比緣竊盜之內干戈脅從白刃臨頸胡寧忍決所有
陷於凶黨苟免者多從前詔書類已該及其史思明將士及
僞署官屬等有束身歸順并率屬來降官爵如初一無所問
以城邑等降者仍別加封爵其凶黨之流亦同此例天寶臨
照朕無食言王者設教務農爲首今土功方起歲事將興務

本勸人實惟政要宜令天下刺史縣令各與所部親勸農桑
百姓中有勤勞稼穡積其菽粟或贍於閭里或能益軍儲委
所由長吏具狀奏聞當特與甄賞仍令有司第高下量酬五
品以下官勳其百司及州縣興工力役不急之務一切並停
諸軍兵健應在行營有羸老疾病不任戰陣者各委節度使
速揀擇放還路次州縣量加濟卹諸色番役各令所司減省
放其營農且餘孽未平軍戎宜備毗庶之內征賦尤煩朕所
以親帥公卿躬行節儉而詔書屢下蠲免益多至國計軍儲
取給而已猶欲累加損抑以惠黔黎宜令中書門下句當令
度支使與諸供司一切減省應可蠲免每司各條件聞奏當

使施行

上元二年正月

原免囚徒德音

元首之義以人爲心外有凋傷內懷慘怛罪歸於己情見乎
詞伯禹深泣辜之仁漢王下哀痛之詔與痺同道惟刑是恤
朕志宏覆載運屬艱難思措大刑俾登壽域風以解愠時當
發生國有舊章已懸書於象魏思成在宥宜釋放於狴牢其
天下見禁囚徒罪無輕重一切放免其官典犯賊情雖難恕
特從寬典許以自新宜納贓放所犯罪左降官等卽與量移
近處諸色流人及效力罰鎮人等並卽放還其有亡官失爵
亦令收敘比來兵革不息米穀不豐百姓流離至於困弊戰
士暴露頗聞闕乏或有結聚及有違軍令但能改過自效前
事捨而不論艱虞以來多冒刑辟道在善貸屢有德音庶其

最靈咸自改勵宜示中外知朕意焉

建元二年四月二十日

大歷四年大赦

敕至理之代先德後刑上歡心以臨下下欣然而奉上禍亂不作法令何施去聖久遠薄於教化簡書煩委獄訟繁興苛吏舞文冤人致辟思欲刷恥改行厥路無由豈天地父母慈愛之意也朕主三靈之重託羣后之上夕惕若厲不敢荒寧內訪卿士外咨方岳日不暇給八年於茲而大道瘴風鬱而不振四郊多壘連歲備邊師旅在外役費尤廣賦與轉輸疲耗吾人困竭無聊弱斯濫矣下愚闇昧不見刑網我士在軍未習法令犯禁抵罪其徒實繁狴牢之閒未詳其事實吏議不決動淹夫時序傷沮和氣屢彰咎徵此皆朕之不明教之

未至上失其道而繩不以刑敢不罪己以答災眚且人者君之支體害之則君有所傷刑者教之輔助失之則人無所措慮有冤濫慘然憂傷用明慎罰之典俾宏在宥之澤其天下見禁囚徒死罪降從流流以下罪釋放其左降官及流人並與量移仍委本司卽勘實送名中書門下奏聽進止如聞州縣官比來率意恣行麤杖不依格令致殞使斃深可哀傷頗有處分仍聞乖越自今以後非灼然蠹害者不得輒加非理仍委觀察節度使嚴加捉搦勿令有犯錄名聞奏宣示中外宜悉朕懷

大歷五年大赦

門下惟辟奉天作人父母若天垂戒於上人不安於下則修

德勤政以明至誠恤刑獄之冤抑痛閭閻之疾苦招納諫臣
旁求賢良允迪前列率由茲道朕獲承宗廟之重託於王侯
之上夙夜齋慄莫敢荒寧推誠以撫萬邦屈己以安百姓憂
勤之至日慎一日服御之給損之又損而涉道猶淺燭理不
明國經王度多有廢闕加以寇戎驟犯軍國頻勞賦重人竭
因之歲歉田荒業廢逋散相仍每深怵悼頻有蠲降兼亦簡
求良吏以惠矜人去除姦宄用達幽枉大變風俗更張刑政
冀人和之漸洽何天膏之屢彰固以朕德之寡昧化之衰薄
其咎不遠在予一人亦由郡邑之政未盡條理或貪以害物
或擾以傷農有凌弱暴寡之冤有不均失中之政人無所措
多陷刑辟蓋教之道未至豈忍以文法繩之慘然憂嗟深自

引慝雖靡草麥秋之候方斷薄刑而薰風長養之時宜寬庶
獄大決疏網與之更新其天下見禁囚徒死罪並降從流流
以下並釋放內外文武官及前資官六品以下並草澤中有
碩學專門茂才異等智謀經武諷諫主文者仰所在州府觀
察牧宰精求表薦如所由搜揚未盡遺免林閒者卽宜詣闕
自舉親當策試量能擢用朕每覽漢文詔書至陽和之日草
木羣生之類皆有以自樂而吾百姓或阡於死亡而莫之省
悵然遐思感歎增懷哀矜之人又甚於昔思有贍恤安其居
食觀察節度使及刺史各宜訓勵所部使奉科條變貪官之
節激廉吏之行其清白明著政理殊尤者具以名聞必加獎
擢若冒於貨賄紊我紀綱一經糾劾當峻刑憲其官人犯贓

經恩免罪者並宜申報中書門下及所司不得容其卻上自
王室多故積有歲時皆我文武之臣中外戮力今天下既定
崇德報功與之剖符傳代不絕至於莅官述職宜慎典刑貽
慶子孫永同休戚於戲武德貞觀之間有若魏徵王珪李靖
李勣房玄齡杜如晦等扶翼大運勤勞王家尊主庇人匪躬
致命咸有一德格於皇天緬然常懷風烈猶在後嗣沈翳特
加優獎如廟宇荒毀卽宜修葺無德不報何日忘之其鰥寡
孤獨老幼貧窮不能自存者委州府縣吏取諸色官物量事
振給仰各招攜戶口勸課農桑應所在州府有興功役處非
灼然急切者宜並停之五岳四瀆名山大川神明所居風雨
是主宜委中書門下分使致祭以達精誠孝子順孫義夫節

婦事蹟著者特加旌表頒示中外知朕意焉

前經此大赦京畿三輔制

歷時禁苑心賦對以垂後

門下古者以春季之月布德行惠恤刑振乏朕親執犧牲玉帛獲奉於上帝神祇九年於茲矣克己思理明不能燭昆夷未敘王略猶虞歲會三秦之師日有千金之費悉索敝賦疲於餽軍侯甸之間徵求耗竭百穀翔貴關中小歉窮則斯濫安能懼刑因而成盜多有犯法至於軍戎之士致使廩賜不充因之逃亡或抵邦憲事非獲已情亦可察近以露濡思亡明發有懷屬禁火之令節方薦鮪於園寢聖祖敷祐景靈吉祥先天後時載荷嘉貺以陰以雨又助發生固宜順曲成之仁布維新之命赦罪育物曠然滌除其京兆府及三輔并京

城內諸司諸使見禁犯死罪以下特宜釋放有犯未發覺者
罪無輕重一切放免如妄論告者以其罪罪之其官典犯贓
不在免限頃者在朝夙著功勳委之戎事而徵求黎庶空竭
閭閻加之廣有貿易奪人賄利京城之內擅置刑獄恣行忍
虐幽執無辜部領師人乖於撫馭資糧刻薄勞役煩苛惡稔
釁盈日嬰沈痼念其勳舊許以優閒令罷其兵權遂其養疾
而宗社降鑿明神所極羸瘵不起旋至弊亡旣往無追一切
不問所管將士等同勞王事各效辛勤是朕爪牙自致勳業
並宜仍舊勿有憂懼蓋以朕誠未感物明未知人失於授任
而臻此也今則虛懷引咎親御禁戎必加優寵以表勞績其
資聖寺禁人并追捕勘責等卽宜並停然以王畿艱敝務恤

疲人蠲稅罷徭與之休息尙恐流離罕復貧弱未安益用憂
勤諒資約損京兆府百姓承前應欠官物等委所由勘責實
百姓腹內者一切放免其所由腹內者不在免限畿內官人
手力資諫及府官充職掌名額稍多所抵供不免煩費并諸
縣郵遞路次館驛諸色徵科一物以上並委中書門下與京
兆尹卽計會取責色目一一商量條件處置務令減省以息
勞人諸司使迴易一切並停不急之務亦宜且罷農隙之後
然後常式宣示中外知朕意焉

唐大詔令集卷第八十五

宋敏求編

政事

恩宥三

大歷七年大赦

大歷八年大赦

大歷九年大赦

宥京城禁囚敕

赦京城囚徒制

元和十三年大赦

長慶四年正月一日德音

恩宥三

大歷七年大赦

門下濟於道者化醇而刑措善於理者綱舉而網疏朕涉道未宏燭理多昧常亦遐想太古高挹玄風保合太和在宥天下蓋德薄而未臻此也是用因時以設教便俗以立功務盡平恕用申哀恤又教淺而多犯也加以邊虞未戢井賦猶繁荒療之餘寇攘斯起遂令園土嘉石之上積有纍囚危章元簡之中困於法吏屬盛陽之候大暑方蒸永念狴牢何堪鬱灼所以沮傷和氣感致咎徵天道人事豈相遠也如聞天下諸州自春以來或愆時雨首種不入宿麥未登哀我矜人何恃不恐皆由朕過益用懼焉惕然憂嗟深自咎責所以悉減

常膳別居齋宮禱於明神冀獲嘉應仲夏之月靜事無刑以助寡陰以宏長養斷薄決小已過於麥秋繼長增高宜順乎天意可大赦天下其大歷七年五月十五日昧爽以前已發覺未發覺已結正未結正應天下見禁囚徒罪無輕重一切並宜放免所由不須類例聞奏宜令諸道節度觀察及州縣牧宰等於當官內所由名山靈迹各精誠致祭祈降甘澤冀獲豐稔永思流弊庶振風猷其巴南諸州仍歲水旱迫於凍餒或至流離因有剽攘苟全性命懼刑網之所及始嘯聚以相依抑有由焉蓋非獲已永言其弊用軫於懷如能相率來歸各安生業並無所問咸許自新敢以赦前事相告者以其罪罪之亡命山澤挾藏軍器百日不首復罪如初赦書日行

唐大詩集卷之十五
二
五百里宣示中外咸使聞知

大歷八年大赦

自古帝王順時行令當北至之炎燠應南風之長羸必使無刑解網申惠敘麥秋之氣而代天理物矣朕獲奉珪璧虔恭郊廟二紀有餘承累聖之鴻業爲兆人之父母戰戰兢兢恐懼不濟而天地幽贊陰陽化育關輔之內農祥薦臻嘉穀豐衍宿麥滋蕃閭閻之閒倉廩皆實百價低賤實曰小康此皆上帝報貺列祖儲祉卿士存誠元元盡力之效思與萬方百辟咸共樂之而未能也況或抵常憲纍然就拘辨對官曹深閉獄戶永惟械繫之慘追思冒犯之由皆自王化未醇風教多闕俾人忘恥格俗虧禮讓罹在刑典久於狴牢當順陽助

生之時積冤蔽感傷之氣百姓有過在予一人顧謏欽恤誠切傷痛用申在宥之旨庶洽惟新之令自大歷八年五月二十九日昧爽以前天下見禁囚徒已發覺未發覺已結正未結正死罪並降從流流以下並宜放免敢以赦前事相告者以其罪罪之亡命山澤挾藏軍器百日不首復罪如初夫承天下之序則三時有成自申刑外之仁則四海蒙福嗟爾庶士諒悉予懷

大歷九年大赦

朕誕膺天命以撫方夏夙夜兢惕保佑惟人懼庶獄之未孚俾一夫之不獲思用哀恤與人和寧頃屬中外多虞干戈是務徵賦頗重黎元不康內迫艱窮外乘師旅因行盜竊自陷

典刑纍然園土之下佇隙視蔭之命永念愚惑惻然疚心而
寰區之間舉類斯眾今火中惟夏長嬴及時鬱然沈繫致傷
和氣萬物有罪在予一人將洽至漳之化更布維新之理其
大歷九年四月二十四日昧爽以前大辟罪以下已發覺未
發覺已結正未結正罪無輕重一切並宜放免敢以赦前事
相言告者以其罪罪之其在軍將士有刀箭所傷久嬰沈疾
者戮力疆場身當鋒刃各委所由量給藥物厚加優賞其陣
亡將士亦仰本使隨事優恤妻子各申錫賚其百姓鰥寡孤
獨不能存濟者困窮無主誠可哀傷所在府州縣長官每年
以諸色官物量加贍恤令其得所亡命山澤挾藏軍器百日
不首復罪如初在宥之典旣周動植純嘏之錫庶延子孫凡

在品彙各宜遷善宣示中外令悉朕懷

宥京城禁囚敕

頃屬煩暑差候愆陽積旬處於高明之中猶有鬱蒸之歎而況幽閉獄戶辨對官曹甫臨秋期將正時憲重循欽恤之道載宏全宥之仁其京城內外禁囚犯流以下罪並宜釋放

赦京城囚徒制

朕以寡薄獲守丕圖恭默思道克謹天戒常懷至誠不達景化未敷寅畏之誠寢興在慮自純陽用事霖雨愆期麥雖有秋禾未長畝有阻三農之候將貽萬姓之憂是用齋心滌思禱於上下神祇雲從自郊月未離畢膏澤不降憂勤益深雖水旱成災陰陽恆數而政刑失中或致愆伏豈簡孚有爽哀

周文宣公集卷之十五
矜未誠歟嗟我矜人陷於刑辟當炎蒸之序在縲絏之中久
積幽冤有傷和氣所以引成湯之六事過實在予寬大禹之
九刑誠存育物期於作解以救如焚其京城見禁囚徒死罪
以下降從流流以下罪一切釋放仍委中書門下卽疏決處
分訖聞奏用法從輕或謂之長惡宥過無小寧失於不經庶
空夏臺用緩秋典宣示中外令知朕意

元和十三年大赦

朕聞王者法天作則與眾守邦奉天無私居兆人上當恭已
嚮方之際切臨深馭朽之懷憂勤靡遑今古何遠所重者兵
革不試軌度自貞熙仁育和以至大道朕願惟菲德祇奉睿
圖承昊天之眷命纘列聖之丕緒盱食以求至理虛心而聽

昌言兢兢業業常懼失墜逮今十有四年矣道且希於廣運
意常在於包荒推誠則深感物未至頃歲蜀川浙右怙亂阻
兵人神共誅翦滅相次姑務偃革期於措刑方簫勺以懲姦
庶干羽以成化淮蔡寇孽稔禍延炎問罪興師蓋非獲已念
征行之暴露軫饋給之煩勞中宵惻然載益祗厲妖凶旣殄
黎庶有康斯皆宗社垂休中外協力將勤思於下土冀昭答
於上玄茲朕所以與羣公卿士勵精於庶政也屬獻歲發春
授時惟敬勾萌盡達幽蟄咸蘇徽纏可矜鰥寡存念俾疏網
之是決與慶澤而惟新可大赦天下元和十三年正月一日
昧爽以前大辟罪以下咸赦除之

長慶四年正月一日德音

朕以寡昧獲守重器兢厲畏惕於茲五年皇王之事罔不修備而大典有闕舉而行之粵以元正朝於正殿百辟咸序萬方來庭思欲推至仁以布和奉天時而施令況上玄貽慶列聖垂休光輔予躬以至寧復爰思士庶同被慶靈并茲囚隸亦合流澤自今年正月一日以前犯死罪者並降從流流罪以下遞減一等其故殺官典犯賊十惡者並不在降赦之例左降官未經量移者與量移近處流人各據本年限與減一年如本限止一年放還朝賀之禮國之盛事肅恭班位敷贊威儀俾升慶賀以示宏普其應元日緣朝賀行事官三品以上賜爵一級四品以下加一階文武常參官六品以下及宗子應加倍位者并諸賀正使各賜勳一轉諸番陪位賜物有

差今兵革甫寧典常麤舉雖慚至理可謂小康唯水旱猶虞
蒸黎重困公私蓄積頗有未豐宜令諸道觀察使刺史各具
當處利害條奏其有弊事可革有益於人者并言何術可以
漸致富庶附驛以聞亦不用專使詣闕以省煩費其封畿之
內百姓利病以委京兆河南尹具以條奏於戲束帶立朝必
資忠讜濟時利物式佇新猷其文武百寮所上封事極言得
失無有所隱事可施行者便委中書門下量加獎用朕以執
契馭時任賢興化教之至道期致太和凡在臣寮宜知此意

唐大詔令集卷第八十五

謝大將軍集卷八十五

與對御封寶與分楚志至彭陽謝大味凡將出還宜取此
 兵無有復調軍百歲行香更委中書門下量賦與田租以歸
 貧忠節高御味勝左治條煩其文短百察德士往事對官稱
 丙百數脈脈以委京武國南代具以紉憲氣通東帶立障必
 測於宮城極難以講亦不甲傳動商關以資財費其法幾之
 當哀財善給濟其育親傳回華育益外入香共育回論河以
 然聚重因公為請辭職育朱豐宜令精飯野察動神史谷具
 至今兵革甫寧典謝職舉進謝奎歷河隴小規制本早豫與

唐大詔令集卷第八十六

宋黃宋敏求編

政事

恩宥四

赦京畿德音

大中十三年正月

赦通七年大赦

咸通八年五月

咸通十三年五月

疏理獄刑

光啟三年七月

德音

唐書卷之九十九
令史官條奏每月應所行事詔

歲初處分德音

有四

曲赦京畿德音

王者愛人如身推已及物恤其寒燠之苦適其舒慘之宜俾
叶太和用臻至理恭默思道憂勤在懷時屬嚴刑念深徽纆
當霜雪之候滯囹圄之中饋餉爲勞逮逋斯擾沍寒所迫愁
歎必多惻然疚心思有矜恤宜布在寬之令使無留獄之嗟
應京百司及畿內諸縣見禁囚徒應犯死罪特降從流流以
下者遞減一等如欠負官錢情非巨蠹責保填納不要禁繫
唯故殺人者及官典犯贓不在此限仍委京兆尹及諸司官

長制下日當速疏決聞奏朕思牧黎元存誠康濟況封甸殷
廣京師浩穰憫觸法而罹辜式加恩而宥罪庶亡無告寧失
不經宣示中外令知朕意

太和八年十二月

大中十三年正月赦

天將發生萬物也則必假以暄妍潤以風雨王者之在宥四
海也則必滌其瑕穢施以渥恩固頻啟乎倖門豈無彰於皇
澤朕以菲德獲纘丕圖嘗慕唐堯之無爲漢文之恭儉宵旰
不暇乙夜觀書萬務靡有不親一夫猶慮失所兢兢業業不
敢荒寧十有四年至於茲矣每懼風俗之未厚賦役之尙繁
政令之未明刑獄之多濫思用克濟浩無津涯上荷穹昊垂
休宗社深祐下賴股肱翊化岳牧懋功五穀屢登四海內附

懷仁庶同於行葦納諫無媿於從繩疵癘不生飛翔遂性日月所燭庶爲小康顧予寡昧何以臻此近者藩方之任撫理或乖潭廣宣□傲擾相次雖興師殄寇本於爲人而惡殺好生良多愍□而又緣河數郡暴水成災念其蕩飄深自憂軫乘此三元之慶宜宏肆眚之恩可大赦天下自大中十三年正月一日昧爽以前大辟罪以下罪無輕重咸赦除之唯十惡叛逆故殺人官典犯賊不在此限

咸通七年大赦

我國家膺天明命光宅萬方二百有五十載矣梯航所及昭顯於夏殷文軌攸同奠逾於漢晉朕承十六聖之業居億兆人之上猥唯眇身欽荷丕構遠奉貞觀開元之至理近宗憲

願宣考之宏規常慕雖休勿休豈敢自暇自逸然而仁不遂於百姓德不參於一義莫敢感通更延災沴近者兵革未弭蟲蝗相仍方懷蠶穀之勞復起荐飢之歎雖頻加錫賚累有蠲除尙慮澤木徧通信未旁及是用連宵假寐每日忘飧思所以拯我黎元修其壽考或多方以革弊盡慮以鼎新庶或上下欲從人欲就善爲國者以好生爲首行王道者惟憫物是允苟可勝幾去殺亦冀止戈爲武嗚呼誠明之旨旣悉於斯漢汗之恩夫何所愛可大赦天下自咸通七年十一月十日昧爽以前人罪以下已發覺未發覺已結正未結正見係凶徒罪無輕重咸赦除之唯犯十惡叛逆以上故殺人官典犯贓不在此限持劫劫必欲害人苟遇支敵必行殺戮

拒敵追捕肆意奸凶并故殺人者雖已傷未死已死更生意
欲殺傷偶得免者並同殺人法處分其賣毒藥開劫墳墓及
別獄之內官吏推斷不平囚成冤濫無論有贓無贓不在原
宥之限朕君臨四海子育兆人常恐萬類之中一物失所況
雲南素推誠節久慕華風願帥臣撫馭乖失不諭朝旨遂令
滋擾邊隅初陷交邕交侵越嚮屢移星歲彌縱干戈靡思量
力之言曾無事大之禮軼我疆理勞我隄防爰用徵兵諒非
獲已鋒刃之下多有殺傷每念於懷良深慚悼寧屈己以徇
眾不窮兵以害人斷白子懷更宏招諭應安南邕州西川等
道諸軍兵士各守疆界不用進師乃委劉潼審詳事機明加
曉諭如能重修和好信始如初朕當虛懷一切不問雲南先

專差使昨已有詔旨處分其先配隸習讀質子各本道供給
續當指揮安南邕管西川三道軍士皆踰山越海環甲荷戈
志切勤王誠深報國固內侵之封域收已失之城池盡欲捐
軀咸思賈勇險阻數歷終始一心言念忠勤誠用嘉歎今南
蠻已加招撫莫就弭寧且下但嚴守封疆且備要害雖未用
使圖攻討亦未可便絕訓練其將士等義感風雲志諧金石
屯營既久立效已多大功將成懇節無奪候具歸款別有指
揮仍委劉潼高駢李耽等具此慰勞以副予懷其三道軍糧
各界懸遠致其盡力當有充賜如諸道戍兵未免饑餒因之
命尤用傷懷宜令常宙劉潼嚴加條流丁寧期既無使
饋更聞失時其赴府三道行營兵有親老及妻子在家者

委本道切加存恤勿使凍餒悽惶俾無迴顧之憂以勵當鋒
之志其諸將士勇敢用命當鋒歿身義節可嘉孤弱是念並
委本道節度使據所申報各須安存如血屬單弱不能自存
自卽厚卹給恤遺骸在野深可憫嗟今春已降德音盡令優
給收葬尙慮暴露未契幽陰今更舉明用慰泉壤宜令所在
長吏訪尋收斂如法瘞葬仍以酒糲殷勤奠耐應三道兵士
經迴累路州縣供應頓遞徵配闕甲木程船夫陸路車役勞
弊斯甚疲瘵可哀其岳州湖南桂廣益容管内沿路州縣今
年二月二日德音已蠲放今年夏秋兩稅各一半尙恐鄉村
未悉更要加恩宜於今年夏稅正錢每貫量放三百文沿路
州縣亦甚凋傷未詳悉今復優假宜於來年夏稅正錢量

放一半仍各委本處長吏親自點檢明閱簿書勿使恩不布於疲羸幸或生於桀黠副予深意必及遠人誠信之道蠻貊可行苟或未孚其肯懷惠應安南邕州容州黔南西川諸溪洞酋長首領務加優恤示以恩信若須節級賜官秩賞給者委當管速具分析聞奏京畿之內蝗旱爲災稼穡不收凋殘可憫其京兆府今年青苗地頭及秋稅錢悉從放免仍並出內庫錢二十四萬五千三百六十餘貫賜官府司充填諸色費用河南及同華陝虢等州遭蝗蟲食損田苗奏報最甚除合放免本色苗子外仍於本戶稅錢上每貫量放三百文如今年秋稅已納卽放來年夏稅其諸道有蝗蟲甚處並具奏聞亦議蠲減其河南府水災之後仍歲飛蝗想彼蒸人尤多

凋瘵宜別賜鹽鐵河陰人運米三萬石委崔瓌充諸色用其
諸道州縣應有逋懸兩稅斛斗青苗地頭榷酒等錢旣存書
簿不免徵剝咸通三年以前者並一時放免從四年至七年
其中有準敕蠲者亦不得因此重徵京畿之內供億事繁色
役差科曾無虛日黎人困苦深可憫傷更有逋懸日久徵追
無由收斂徒係簿書應京兆府諸縣從大中八年後至咸通
六年應欠諸司稅草斛斗糖棘番匠知食使玉蘇及府司欠
延資并度支戶部錢物及振貸折糴粟并諸縣欠填省修堰
埭等錢匹莊宅監察使拆寺并佛堂材木樹等價及欠左右
神策軍捉賊賞錢及諸縣應欠咸通三年至六年各送府夏
秋稅錢物斛斗并糶斂莊田地租及諸縣咸通三年至五年

振貸粟並長安縣大中八年先借太倉粟充振貸除已納外
餘欠斛斗等並從放免兼簿書一時毀廢從今年以後別立
帳內庫一年支放費用雖廣有司積久追呼固多虛係簿書
頗爲煩弊朕方宏儉約深軫凋殘特示優矜用蠲逋責應度
支積欠大盈庫年資匹段絲錢從太和八年以後至咸通元
年以前並宜放免及欠瓊林庫年支金銀錫器錦綾器皿雜
物等自開成五年以後至咸通元年以前並宜放免左降官
量移近處已經量移者更與量移如復資者任取本官選數
聽集丁憂放還者服闋日各與量移并別敕因責降除正員
官所司亦與處分其左降官及流人先有官者如有亡歿各
還本官失爵痕累禁錮者並從洗滌左降官并流人元敕令

終身勿齒及長流遠惡并云縱逢恩赦不在量移者並與量
移如已亡歿者並許歸葬如緣葬事困窮不能自濟者委所
在官吏量給棺槨優恤發遣中外前資見任官中其有頃因
瑕累未經錄用者并左降官如事情可恕才行足稱者委中
書門下量加簡拔隨能錄用敵國款塞邊陲無虞或使臣因
備制弛慢切在搜訪利病濟便兵農勿以久安遽忘遠慮所
宜常加備禦每切訓戒將宏至治之功須爲經久之計其邊
上方鎮本軍兵數節度使皆位崇元帥誓立殊功必能檢閱
軍實以靜邊綏撫單寒以和眾素有定額固非空文然亦慮
或因犯法死亡停解不便招募缺額遂多並須檢勘分明仍
委御史三司院並加察訪卽時聞奏江淮諸州百姓只合輸

本分苗稅不合分外差科多爲所在長吏權立條流臨時差配或強名和市多不給錢自今除納本分苗稅外一切禁斷牧守之任慈惠爲先欲安遠人須求廉吏如聞邕容桂廣等道管內刺史每州皆管三縣人戶不乏其閒選用尤要得人訪聞本道觀察使所奏監州官多是本土富豪百姓兼雜色人例皆署爲本道軍職或作試銜便奏司馬權知軍州事旣不諳熟文法又皆縱恣侵欺多取良家以爲奴婢遂使豪酋構怨溪洞不安若不條流生人轉困其邕容桂廣等道管內自今以後刺史必須精選賢良久歷官途不越資序者始許奏請其軍職試銜並不在奏署限藩條之例刺舉是資郡政之方邑宰是選斯紀綱共設次第相臨苟皆推公必無敗政

如聞近者廉卓殊無奏舉牧守率務并容邑宰非才疲人罹
弊必在懲革以惠惇嫠自今以後委觀察使專刺舉之職如
郡守不理或臨財不廉酒食是營獄訟靡息以時奏劾按罪
定刑如藩方不謹察廉或致下人上訴推覆得實觀察使別
候敕旨本判官遠加譴罰其郡守亦仰察訪縣令如聞有過
不舉停任後別有處分錄事參軍重加削罰如刺史縣令有
異政灼然可舉者仰其錄奏必議超升人命至重在慎典刑
國章苟墮必多枉撓近日執法之吏罕得其人或制敕不行
曾無提舉或奸巧爲患莫能辨明遂使可死者生可生者死
而又縲紲繁壅斷決淹延乃致怨歎或成災沴予懷怵怛寢
食靡寧宜委御史臺刑部大理寺慎擇官吏皆須素能折獄

俾務盡心則人必□□法當盡善其天下州縣官等皆罕習律令莫知重輕唯任胥徒因多枉濫委本道觀察使覺察聞奏又刺史縣令多務遊宴不思官常決遣既妨囹圄自滿永言冤滯豈不由斯委觀察使表率條流以懲深弊度支鹽鐵戶部三司欠負錢物頻有赦令據年額節級矜蠲如聞所司尚有徵迫妄豎可徵可放多因奸吏恣情遂使恩不及夫窮戾事無補於經費其諸色人戶所由等應欠三司錢物自大中十二年以前並宜放免縣道之間郵亭具列行李供億格敕著明如聞節度觀察刺史等所經過不遵品式公券之外私費至多或在道途有六七百人行李所在地主務求交歡別差吏人號爲置頓必皆率配弊及疲人自今以後所在長

吏切加遵守格文不得違越赦令所在

下缺

蘇疲瘵如聞遠

處州縣告示不得分明今要條流永爲定制赦書列後各委
本道全寫錄於縣門榜示但緣事理繁細紙數頗多減放矜
蠲頭項埋沒鄉村百姓無因得知宜令所在長吏細詳各據
所在百姓合得免科段一一豎項作小榜於要路曉諭令百
姓知悉宗室子孫不合凌替班列之內人數至稀宜令宗正
寺搜擇宗子有行義文學吏事堪稱清實者具名聞奏委中
書門下量才敘用如在郡縣年已蹉跎士行可獎困於寒餒
宜委所在長吏隨分驅策優假如聞編戶之中素非宗室因
緣設故寫錄諸書投入宗枝妄認房籍恃憑攬擾侵害鄉村
近日此徒敗露非一雖已行法未絕根源從今以後委所在

長吏切加搜獲如涉疑妄卽收錄聞奏當痛懲之用安里閭
前代爲賓素德作範理合頒恩二王三恪及文宣公各賜物
五十匹衡瑀拱衛執玉會同俾申懷遠之恩用展酬勞之錫
神策六軍威遠營金吾及皇城應緣御樓立仗將士等各賜
物有差鴻臚禮賓院應在城內蕃客等並節級賜物功播一
時名流千古念其前績觀以將來故尙父子儀贈太師晟贈
太尉秀實各與子孫中二人八品官顏杲卿張巡許遠南霽
雲子孫中各與一人出身中書門下儀制官及內侍省內教
並特加一階勳著燮和道彰鎮撫牧守宣力卿士協心永言
盡瘁之誠宜給追榮之典中書門下及節度使帶平章事者
祖父母父母並與贈官封已經追贈者更與改贈京文武常

參官東都留守度支鹽鐵等使諸道節度觀察都防禦經略
等使及神策金吾六軍將軍大將軍威遠營鎮國軍等使父
母已歿未經追贈者亦與改贈父歿母存未封邑號者父見
存未有官者量與致仕官其曾任常參官出爲刺史縣令分
司等官今已得贈兼前資郎官以上官其父母並準有見任
常參官例與追贈冠冕相先懸車自遂紀綱之僕軒陛攸陳
宜升階級之榮式進勳封之寵內外文武及見任及致仕官
三品以上贈賜爵一級四品以下加一階神策六軍金吾威
遠營皇城等將士普恩之外各賜勳兩轉天下百姓年九十
以上各贈米五石絹兩匹綿一屯羊酒有差仍令本縣令就
家存問今州府官員多不給付所用無幾繫體則深宜令以

上供餘錢物充給訖各具分析聞奏

咸通八年五月德音

朕聞唯天爲大唯堯則之施及文王昭事上帝朕遐思古訓
順考前聞仰止於皇王之閒規範於堯文之際始如徒涉而
望超溟渤中若策蹇而求躡雲霄思逮於三希之則至由是
力於恭已銳以濟人九載於茲一致不怠然而德未甚腴信
未甚孚雖懷汙可之詩敢企康哉之詠尙賴社稷降祉祖宗
垂休兵革向寧朝野斯乂自頃誕施渥澤冀獲露流猶慮莫
及昭蘇逾多困乏今則夏田豐稔倍於常時不足之憂暫免
興慮又以西成未保蝗蟲是虞永惟惠卹之宜庶協消禳之
要苟能利於百姓賴於四方可使稼穡有年邊疆無事則唯

恐不及豈憚於必行是用更理闕遺載親提舉一陽斯始爰
開蕩滌之恩晏陰將成式經矜蠲之令副我誠切在爾司存
應京畿天下見禁囚徒暑毒之時要令疏理牢獄之內應有
滯冤宜令臺府及該軍司并所在州縣長吏據見禁囚徒德
音到後七日內親詳罪名疏理訖聞奏不得更延引時日除
非巨蠹有礙去年赦條外餘並節級遞減一等從輕處分左
降官及諸色流人雖累有赦令皆已沾恩欲其悔過自新豈
惜頻施霈澤經去年赦條已得量移者更與量移合復資者
準前例處分其去年十一月十日後至今年五月以前續有
左降官及流人亦便與量移如合放還者所司速與處分內
人久在宮者常膺使令不唯勤勞可憫罔亦親愛是思宜令

揀選內人五百人放出各歸其家屬俾無離怨用協推恩見
在宮人尙令揀放諸節進奉宜有指揮應諸親及公主等每
年端午及延慶並妃嬪生日所進女口自今以後宜並停進
鷹鷄之設本爲畋遊朕端居穆清不好馳騁所宜解放以遂
物情左右神策軍各放二十聯五坊放三十九聯龍飛一十
一聯其左右神策軍每年進鷹鷄於數內停減春秋二社兩
進九月十五日各停進鷹一聯共停一十四聯應租莊宅使
司產業莊磴店鋪所欠租斛斗草及舍課地頭等錢所由人
戶貧窮無可徵納年歲旣遠虛係簿書緣咸通七年赦條不
該今宜從大中三年以後至大中十四年以前並宜放免京兆
府奏雲陽等一十二縣百姓論去冬宿種麥苗下子而後旋

被蝗蟲食損今年盡不滋生雖京畿之內去冬蠲放不少但以疲人懇訴須務哀矜已令府司差司巡檢如有損處特與減放令府司具合放數指實聞奏成役辛苦道途縣歷將還鄉土在贍供須安南邕州已奏放回北軍其於頓遞過本州縣界須如法先自備辦排比切不得臨時差配百姓及借索擾人仍錄前後德音赦條於鄉村分明榜示不得違越仍委所在長吏嚴立條制專加覺察抑禁所施在防奸蠹舉便欠負未涉重條如聞府縣禁人或緣私債及錮身監禁遂無計營生須有條流俾其存濟自今日以前應百姓舉欠人債如無物產抵當及身無職任請俸所在州縣及諸軍司須寬與期限切不得禁固校料令其失業又輒不得許利上生利以

及週利作本重重徵收如有違越勘實奏聞去年德音赦令
條流事件極多責其普及生靈惠沾寰宇尙聞所在未盡施
行今重舉明俾無留滯宜令天下長吏差清強判官專切句
當更分明檢校一一據事施行訖奏聞如更因循必行究察
所差判官速具名銜分析聞奏好生之德宜及禽魚卵育之
時須加條制舊敕每年起三月一日至五月末不許採捕水
禽鳥獸雖有敕禁尙恐因循宜令臺府及諸軍司及時禁之
月更嚴提撕勿使違犯儉德之修聖賢所重近日俗多澆靡
時尙矜誇朕慕素風思遵儉制去歲赦文之內已曾明有指
揮所宜克副朕心用杜奢僭東川每年進蜜浸荔枝道路遙
遠勞費至多自今以後宜令停進布告中外稱朕意焉

唐大商令集卷之十六
咸通十三年五月疏理刑獄敕

敕慎恤刑獄大易格言曰如得其情則哀矜而勿喜而獄
吏苛刻務在舞文守臣因循罕聞親事以此械繫之輩溢於
狴牢追捕之徒煩於簡牘實傷和氣因致沴眚況時屬煽蒸
化先茂育並赦罪戾式順生成應天下所禁繫罪人除十惡
忤逆及故意殺人合造藥酒持杖行劫開發墳墓外餘並宜
疏理解放如或信任人吏多有生情繫留續察訪得知本道
觀察使判官州府本曹官必加懲譴以誠慢易敕到後十日
內疏理分析聞奏

光啟三年七月德音

朕聞天以陽居大夏地以陰居元冬是明帝任德而不任刑

也在虞舜則舉兩階之干羽在成湯則開三面之網羅是明
君好生而不好殺也朕以渺身嗣膺大寶垂三百年之宗社
奉十七聖之威靈夕惕朝乾不忘寤寐豈謂孽生於地責見
於天霧塵暴起於兩京蛇豕交構於四野宗廟之饗干戈莫
尋盍獲戾于上玄俾流災於下土前歲才歸大國又及播遷
信由倚任之非良有媿精誠之未至貶衣損食庶寒乎愆違
履薄臨深每增於戰懼方修郊廟且復京畿而駐蹕才安還
急可俟虔誠罔通於穹昊兵革又起於藩維蓋以朕不敏不
明君臨兆庶仁不能協生成之旨義不能符斷割之幾智無
周物之明信寡應時之用陷蒸黎於塗炭致王室之艱難繇
歷歲時於茲八稔顧茲頽素職朕之由且朕深宮九重跬步

千里目雖視而不見耳雖聽而不聞罪在炭窮痛入骨髓但
仰天而投泣恨無地以容身撫几興言何嗟及矣今則敬行
避殿減飲撤懸食無海陸之珍耳絕管絃之樂惟加惕勵冀
遂減通將宏及物之恩在布維新之令應天下見禁囚徒除
十惡忤逆官典犯賊持杖劫殺合造毒藥開發墳墓其餘罪
輕重遞減一等左降官各與詳所犯量移如已經兩度量移
者宜並放還仍仰所在州府限德音到日準敕處分訖分析
聞奏左降官及流人身有死者並許歸葬其鳳翔府所管吏
軍百姓等均令招輯務令歸安縱與李昌符關連情非巨蠹
及父兄在隴州城內事出脅從者一切不問其隴州城內軍
吏百姓不得輒自損傷戴禮之文務先掩骼應有未葬骸骨

及積尸在路委所在長吏速與收斂藏瘞其自兵荒以來殺傷之處委所在州縣於孟冬加賞死事之日於北郭除地用雞豚設祭所貴以導和氣以慰幽魂前年冬未出京之時如聞文武朝臣倉惶奔竄或因凍餒或遭鋒刃遂致斃踣深可憫傷自累下臣有因官遂致殞身或制使遽聞枉橫宜令中書門下尋訪各與贈官孝弟承家忠貞承國既顯揚名之道宜加布澤之榮應内外文武臣及諸道節度觀察防禦使隨駕諸軍頭亡父母並準舊例各與追贈追封如有母親見存者各與進封左右神策及隨駕諸部兵士等荷戈負戟侍衛勤勞既效節以輸誠實竭忠而排難承言勳績宜有甄酬其隨駕諸都頭宜各與勳爵未有功臣名號其將士次

第填補不得虛被衣賜有紊典章如覆視不實節度使奏取
進止本判官重加貶責其邊地沃壤極多歲收可望如間耕
牛素少士卒苟安唯長蒿萊俱乏衣食委節度使良田之處
更議添人均配膏瘠令其耕種制置利便務令酌中其南山
及平夏項盡是百姓須令保安長吏若能撫綏蕃人自然
寧息切不得妄有侵擾致其怨嗟常須使商旅往來部落不
得阻塞致理必先於尙儉傷風莫甚於窮奢朕苑囿不修珠
玉不保所思敦實務去浮華如聞卿大夫庶僚近者競崇侈
靡莫辨等威服玩車輿皆越制度肅於教化朕甚憫焉卿大
夫當助我紀綱爲人表則宜修儉約以變澆風其京師應有
奢僭違令式者聞之當行朝典應諸道申奏有草賊州縣本

皆齊人迫於凍餒多聚徒侶遂肆猖狂並仰所在長吏明加
曉諭設法禽捕不得漏網上京請司及天下州府負犯逃走
罪人今春已降德音除本罪合至前者從咸平五年以前並
停追捕歸還故鄉其數至多慮被奸人遞相煽動悉令所在
告諭令其樂業無致驚惶如歸復者惡逆買盜不能贖過更
有違犯尋勘不虛便仰併舉前愆一時痛斷不復容隱侵害
良善江淮商賈業在舟船如聞近日官中擄借甚苦或傾奪
以充進米或題關以借載軍非理滯留散失財貨州縣雖云
和雇商人焉敢請錢本求錐刀番成損折縱有冤屈豈能申
論道路怨歎莫甚於此自今以後委所在長吏切加禁斷其
所合供過軍等舟船唯許空載航船便給具錢雇召如完裝

貨物者切不得強令騰倒其州縣所合雇船脚多無本色錢
物皆是率配渡人起今以後並仰以上供錢充給如有糶鹽
舟船關係三司攤課者任準元敕處分自蠻寇侵擾連歲用
兵耗蠹生靈海運爲甚驅我赤子深入滄波覩駭浪而魂飛
汎洪濤而心死繼有覆溺多不上聞仍遣賠填急於風火哀
其已死之眾不可復追念茲將斃之徒用延生息應江淮四
道運糧所有沈覆損米損船綱官所由船戶及元發州縣合
賠填者並從放免更不得檢料追徵應闕海運留係勘者並
一時釋放唯造船官吏須有勘覆者不在此限近日蟲蝗米
穀翔貴所在州府須使通流況閉糴之條著在格令近關州
府通舟船處不得約勒商人固違敕旨等候江淮錢物到各

宜優賞以身許國致命捐軀慮茲盡瘁之誠宜飾始終之典
應自兵興以來所在都頭大將身歿王事未曾經贈官者仰
本道各與分析聞奏量功勞優與贈官如有子孫仰本道各
與補職務令存濟行營將士如身歿王事者其衣糧並仰給
與兄弟男姪如有父母無給養者切在安存勿令凍餒雖累
有處分可一切施行或有義士忠臣圖功立事身當國難身
歿賊鋒者宜委中書門下優與贈官兼訪子孫俾沾祿仕用
申激勸冀洽恩榮扈從之勞華勤亦至若無升進何以獎酬
其到與元宮文武官等宜令優與遷改如已經獎酬者特與
量加階爵自貞觀之後建中元年以來以戴皇家扶持宗社
勳績已銘於鼎彝謀猷實在於冊書如聞子孫或多凌替贈

太師汾陽王子儀臨淮王光弼西平王晟咸寧王渾瑊贈太尉秀實顏真卿顏昇卿以下子孫宜各與一子九品正員官其子孫有才術可稱發中書門下量才敘用以勸勳賢律有驅率之科尙宜原宥人無險澁之路固可矜寬其陷僞庭官寮多因迫脅旋宜敘用勿使棲遲左右神策軍及沿邊諸鎮將士或隄防藩徼或控扼蕃疆戴甲荷戈眠沙臥磧無抱子弄孫之樂有離鄉去里之嗟自亂離以來衣糧多缺顧茲疲弊深軫朕懷蓋緣諸道賦稅未來致使如此宜委度支戶部及鹽鐵使各委官吏催促江淮及三州上供錢物充給兩軍

凡邊鎮將士衣賜如催勸有序其官吏各與優獎如全無次第必議懲責於戲朕以寡昧託億兆之上不能克相上帝寵

綏四方履地戴天痛心疾首是在股肱協力藩翰同心保列
聖之鴻基佐沖人之薄德其成興運以副殷憂爲政之方實
資其理且一邑之政由乎令長一郡之政由乎牧守一方之
政由乎藩翰之臣夫政修於上則化行於下可以安人治國
可以阜俗康時此古今之通理也自乾符以後廣明以前節
制廉問之臣州牧縣宰之吏或倫擬不當或銓擇非良鎮藩
翰者則惠養撫綏之術蔑聞居牧宰者則貪憚苛虐之風益
甚或淫利濫殺或剝衣及膚棄業亡家父南子北多使飢者
不得食寒者不得衣奔竄道途跼藏山谷耕桑俱廢旱沴相
仍結爲仇讐聚爲盜賊冤憤之氣上達於九天激怒之威橫
行於千里虔劉郡邑屠戮生靈懷逆節者得以逞其凶桀恣

爲暴擾蘊忠誠者雖欲平其禍患益費機謀既往難追將來
可保切在遞加激諭漸致和平倘或刺史知惠養之方縣令
有撫綏之術公清克己廉慎當官績效彰聞當與遷擢如或
貪殘不理害我疲人委中書門下重加懲殿仍令諸道長吏
觀察判官切加察訪每歲具善惡奏聞自屬兵戈全妨耕稼
遂令隴畝盡變汗萊蓋以殺傷之餘流亡益甚宜加招撫漸
復農桑如有刺史縣令招收戶口開墾荒田置買耕牛修置
農具者委所在觀察使精加點勘具數聞奏當據課效高低
優加升獎朕端拱穆清思宏理道用憂勤而補過守慈儉以
律身上展孝思下康庶務其於祀事尤在精崇常憂多難以
來有乖敬謹至於牲幣之數醯醢之宜必盡吉蠲毋爲簡易

宜委所司一切鈐轄不得因循夫儉者德之恭侈者惡之大唐堯土階三尺夏禹菲食卑宮先聖遺風後王規範其有司合進常膳三分宜減一分六宮嬪御見在者人數不多此外不令更有添置或有因緣寇盜流落外方宜委所在長吏便與嫁遣任自營生不用送到駕前冀免虛有勞費自此諸道更不用進聲樂及女弟子歌舞衣服綺繒組繡雕鏤珠璣頗害女工實妨農事奇技淫巧前哲所譏況遇艱難尤宜儉素其諸道不得進奉紋繡宮錦雕鏤輕靡彩章之物五坊鷹犬以備時蒐方當勤卹之時寧有畋遊之樂其鷹犬並令解放不用更置諸道亦不須進送艱難已久增修未知展瑞披圖良多內媿且以爲白鳥丹鵲不如孝子忠臣甘露醴泉未若

風調雨順自今以後諸道所有祥瑞並不要圖畫及進輔成
教化實在賢良用副旁求必資博采宜令文武常參官舉刺
史縣令有異政殊績者淪滯山林有奇文異行者所期表異
無或面欺孝子順孫義夫節婦各加旌表以示鄉閭父老有
年九十以上者賜帛二匹粟五石仍令所在以上供物支付
瘖聾跛躄鰥寡孤獨者委所在切加存卹無使棲惶名山大
川興雲致雨冀保順成之歲宜申望祀之儀太清宮及驪山
華岳南山廣惠宮巖谷湫鳳翔啟聖宮邠州要冊湫宜各差
官禱謝其諸道應有祠廟標於祀典及先聖靈迹各委長吏
差官精誠啟告凡關百姓安危利病俾其蘇息切在撫綏詔
弊既多固難遍舉仰所在長吏審詳利害一一條奏所冀涓

殘漸成完緝勿辜委遇副我憂勤於戲朕爲人君父累屬劄
離雖一發言未嘗不兢憂一舉足未嘗不媿悼徒思罪己安
敢尤人中外臣寮宜悉朕意

時令

令史官條奏每月應所行事詔

王者欽若天道率由時令考六官之化修五紀之法故得災
害不失休徵洎至朕紹膺鴻業於茲六載每惇政理思致和
平而陰陽未調蝗水仍集天之垂戒朕甚懼焉夫正月東郊
祈春賞事孟冬北陸迎寒恤孤參四序之運行稽五材之效
用弗協所尙或罹於咎且事必師古禮重執文將命有司允
迪厥訓自今以後每入月史官條奏應所行事當斟酌古典

用孚于休宣布朝廷使知朕意

開元五年十月一日

歲初處分德音

敕天地以大德生羣有聖人以大寶守萬物古者受命之君
謂之承天之序明有所代夫豈徒然若道無欽崇命不永保
帝實臨汝人曷戴君朕所以每期庶乎合於人道之意也夫
伏我神農皇帝堯舜或誅而不怒或教而不誅彼亦何爲獨
臻於此朕自有天下二紀及茲未能盡夜無禁亦未嘗刑人
於市而政猶雜駁俗尙澆漓當是爲理之心未返於本耳凡
人豈不仁於父母兄弟不欲於飲食衣服乎而卒彼無孝友
之名溫飽之實其故何哉蓋未聞義方不識善道或任小智
而爲詐或見小利而苟得致遠則窮維以之暴己而身受戮

辱家不相保愚妄之徒類多自陷獄訟之弊恆由此作吁可
悲乎亦在教之不明也蓋刑罰者不得已而用之天下黔黎
皆朕赤子以誠告示或知歸向何必用威然後制理先務仁
恕寧不懷之且五常循行豈須知識六親和睦何待丁寧自
宜勉之以副所望刑措不用道在於茲今獻歲之吉迎氣伊
始敬順天常無違月令所由長吏可舉舊章諸有嫗伏孕育
之物蠢動生靈之類慎無殺伐致令天傷九土異宜三農在
候聚眾興役妨時害功特宜禁止以助春事至若家從征鎮
人或孤惻物向陽和此獨憂悴良可憫也亦宜所由隨事優
卹蓋不體仁無以爲長人不知道無以用其心故道者眾妙
之門而心者萬事之統得其要會義可以兼濟於人依其指

歸理亦能自全於已故我玄元皇帝著道德五千文明乎真
宗致於妙用而有位者未之講習不務清淨欲令所爲之政
何從而至於太和者耶百辟卿士各須詳讀勉存進道之誠
更圖前席之議至於計校示利綜緝煩文邀名失行去道彌
遠違天和氣生人戾心朕甚厭之所不取也各勵精一共興
玄化俾蒼生登於仁壽天下還於淳樸豈遠乎哉行之可至
其老子乎宜令士庶家藏一本仍勸習讀使知指要每年貢
舉人量減尙書論誥一兩道策準數加老子策俾敦從道本
附益化源朕推誠與人有此教條必驗行事豈垂空言今之

此敕亦宜家置一本每須三省以識朕懷

開元二十一年正月十一日

唐大詔令集卷第八十六